



受祺堂詩卷之十四

中南山人荆東李因篤子德著

三過薦福寺

秋清塔日弄輝輝
屢傍鳴珂坐不歸
須有濁醪長夜共
莫教明月片時違
牙絃忽漫逢黃石
羽節新聞遣繡衣
桂賦尊羹頻在眼
故山幽興落雙扉

贈月下彈琴者

仙人騎鶴下清秋
獨抱湘琴去十洲
夜雨落花不可見
高山流水自生愁
若爲畱珮能無賦
何必聞簫始上樓
坐久露華庭戶滿
茂陵猶向曲中求



賦得春蠶到死絲方盡蠟炬成灰淚始乾慰

鹿洲都使悼亾二首

皓質含經緯清霄判古今頓看環珮冷遙對鳶蘿
深落葉無歸路哀蟬抱苦心獨來明月底蓬首爲
知音

野露沾衣滿晨風入座浮離騷真解色變雅復多
愁雨濕明珠暗光沈若木幽秋懷應自遣莫過洗
妝樓

慰鹿洲都使薦福寺悼亾用韻四首

雍露歌成總帳懸南林新旒獨翩翩花中天女空
無相塔畔朝雲散入禪風老白楊頻徙倚水深藍
谷自潺湲因君欲廢哀江曲不遣幽香咽九泉
對此茫茫集百端初聞哀些出長安明璫錯繡無
消息紫海丹瀛竟渺漫獨夜草蟲悲伏枕同時賓
客勸加餐寧知中散凌風去一曲朱琴已罷彈

雲漢三星暗雀橋梧桐一葉鳳樓凋謝公哀樂中
年劇潘令風華去日遙愁說娥眉工攬鏡忍教皓
齒不吹簫沈吟忽憶雙飛羽畫屋銜泥怨未調

羅幔高褰白日陰是耶千載恨同深本隨明月多
凄感翻致陽春少和吟翡翠難求不死樹芙蓉忽

斷並棲禽扶持風雅須公急離緒無令鬢髮侵

郭贊府招同諸子飲董子祠和贊府作用韻

苔華寂寞五陵東下馬猶傳董相宮萬古滄桑畱

漢土諸賢涕淚灑秋風愁聞畫角燕脂外忽望彤

雲雨露中嗜道林宗兼庇客琴罇永夕寤歌同

董祠感懷再用前韻

秦煙魯壁漢同功武帝雄才匹大風自罷百家崇

正始親延三策剖羣蒙祠坊獨撼摩霄樹牧磧初

聞靜夜鴻路傍芙蓉殊夢覺

祠在芙蓉園故地

褰衣遙對

月明中

感鹿洲都使病懷用韻

霜薄藜牀枕未酣使君哀詠出周南茂陵臥病三

秋老彭澤橫琴萬慮含苑杵悠悠同落月籬花采

采對疎嵐渥池已託龍駒賦何必摧燒玳瑁簪

送孫雲章廣文之隴州任

恭介之宗集衆賢過庭鳧舄更翩翩他時射策金

臺下故國傳經隴樹邊水落草蟲寒古路秋深松

菊敞離筵五升官廩休辭薄將父如君且壯年

君尊

人進士任邑令

雙鳧歌

寄涇陽王明府

葉縣仙人冰雪顏輕車華轂霄漢間有時自邑來
京國朝出朝天暮復還尚書賜履久寂寞太史瞻
雲空追攀玉鳥高飛數千載雙鳧忽下慈峨山峨
陽明府瑯琊裔渡江獨高京口系吹笙騎鶴逮前
史起草看花推上第頻歷南北皆殘疆至今謳歌
思未替還須春色開關岳肯向秋風歎畱滯秋來
野水接蒹葭被褐之夫澗之涯面目黧黑毛髮素
披蓁采苓日將斜西方美人咫尺是夙心古處耽
煙霞車旗屢過漿家飲劍履時爲北郭遮涇流環
郭秦川首聚水一石泥數斗爰從山漲沙擁渠鄭

國白公亦何有維侯疏濬無遺力作法俱堪施永

久况兼嘉績冠諸邦親勒雄文貽不朽

時公新修涇志告成

文章自昔少逢年屈賈班楊一慨然如君獨立才
仍達始悟諸賢命可憐乘興但詢彭澤秫曠懷誰
計汝陽田近聞當宁軫良牧將有璽書來日邊

涇陽書王明府書年屏十首

遠眺慈峨邑初歸沃野春井疆滋雅頌溝洫逮周
秦戎角無聲久村春入望新王喬振雙鳥此日傍
征輪

閱閱雄江左絃歌領華西部花千日茂朋酒萬家

受補堂詩卷四
四
攜訪隱開寒谷行春過大堤白頭涇父老扶杖出
蓬藜

綵筆途多滯皇華賦益繁琳瑯期絕境狐貉走中
原每見罇醪洽會無案牘喧興移明月近匡坐復
何言

碧水觀爲政青燈劇論文自儲彭澤酒長嘯漢宮
雲岫雀餘冬粒流霜散夕曛二京皆草昧吟席竟
空尊

日抱高原霽春生遠樹霞雙滑鳴翠鳥百里放桃
花鄭谷當時路秦人著處家君將朝 帝闕許泛

白渠槎

野狩因農隙叱歌及歲豐和民鄉飲後取士力田
中雉鬪馴相名琴絲靜不窮車鄰違舊俗一意轉
鴻濛

峻版從誰劃長渠自昔傳朝暉浮繡嶺晴雪帶甘
泉縞紵爭投足萊蕪少並肩自公何所事騎馬徧
涇川

赤社登香稻 彤庭賜璽書落梅寒近幕啼鳥晝
盈除邑與河陽並人通地節初漢賢虛起草開閣
待相如

十載他山客，今秋返故鄉。在家常閉戶，聞政一升堂。坐覺藤蘿媚，吟攀劍履光。褰衣畱霽靄，藉手滌繁霜。

旅食分高廩，居停肅令儀。渾忘公路隔，欲抵故山遲。朔景人俱愛，東風客自知。明春陪鳳輦，斗酒曠前期。

東張五子遠三首

匹馬向涇干，霜明霽日寒。故人潛北郭，畱客賁春盤。五柳臨門是三芝，繞膝看城居幽事少。過飲涉輕湍。

處物渾無競，成家備有條。圍爐賓坐滿，擁案國風

遙

時出叔則石生二公詩文

詞賦甘途拙，農桑屬歲饒。移時論

作用，竊欲效君苗。

旅榻時時下，君才一一聞。雞鳴多獨起，鶴立竟空羣。久臥墻東雪，同瞻谷口雲。頻來兼借箸，不覺滯斜曛。

喜晤劉大淑止二首

策馬出門去，悠悠涇渭間。憐君成皓首，惜別換朱顏。霽景初浮郭，寒雲未過山。論交重親故，攜袖一追攀。

尚憶長安酒悲歌十載餘大才多晚達豪飲只幽
居曉漏新金馬春風舊石渠別深兼歲暮嘉會莫
教虛

贈子正弟進士二首

關輔懷明德唐虞述舊勲舉宗多散處吾弟獨超
羣醉數峨眉陽樹晴瞻涓曲雲上林推綵筆花萼傍
餘芬

紫閣疎吟眺青門冷讌遊原鴿涇上合杯蟻臘前
浮藉草生春氣吹箎豁旅愁天親嗟地阻及此共
淹畱

送武五台心謁選兼述舊二首

送子嵯峨側晴霜曉度關凋零臨白墮徒倚向青
山僻徑冰渠抱潛輝草閣攀預期把除日春鳥破
愁顏

結客長安舊論文伯氏豪自從哀俊及誰復見風
騷忽對開樽遠渾忘落月高季方前路去湖海重
綈袍

酬鞏子繩廣文二首

旅謁初旋署朋車已在門危墻銜日角老樹躡雲
根室滿琴書靜陽回坵席溫陪遊懷谷口千載賦

重論

愛客須肥犂班荆任濁醪春菱含竹徑雪意瀉林
臯獨解層樓帙時吟曲澗濤壯心寒不禦乘醉剪
蓬蒿

王石貞孝廉招集兼聞家學感賦二首

涇汭多年別瑯琊奕葉光新歡從故里緩坐得深
堂室擁圖書富歌懸海岳長清門冠邦族黍稷有

遺香

健筆懷陳董幽輝闡閔曾

王先人廬墓有三異之
徵君公徵君作傳思白

宗伯一坵何處問三異到今稱茗椀融新雪梅壺

縱薄冰更披河上草揮涕滿蒼藤

謂叔則兄

寓休公房

惠果西寮休上人柴扉花徑掩叢筠石牀高臥經
年雪玉塵時揮半偈春頻去探泉供洗耳偶來沽
酒為畱賓楸枰鶴圃多幽興謝屐陶輿迴後塵

冬日從涇陽來過少文草堂同諸子集飲竟

夜因為長歌

久雪雪晴寒益驕馬毛卷踏風蕭蕭無衣無褐在
曠野遶渭臨涇隨短橈十載荒塞長垂橐新歸故
鄉復懸鑣遠征近役無差別天空日瘦色寂寥垂

受禱堂詩卷十四
八
暮清渠倚華屋扣門爲就公子宿濁醪最足開旅
顏霜砌何因發修竹炯炯前除明餘景翩翩好友
來不速回首羈孤如夢中旅人在堂馬在牧斯須
蠟炬滿堂生况有花枝照眼明素鱗青芹相艷射
呼盧浮白酣深更良久賓觴入西序老橫醉眸臨
秋杵燭燼却引爐烟碧帷張徐窺簷月清公子憐
我衣裘薄預爲煖牀恣所託晏然高枕視諸賢矜
故恕老忘酬酢頻接雄辯不知劇忽驚曙光牕隙
落晨雞亂呼童僕前櫛沐隨意土賓畧東望故山
百里餘杪秋雙旆及吾廬貧家供具惟脫粟有愧
吾賢此罇蔬誰謂詩人持大義木瓜乃欲報瓊琚
信陵遂爲四君冠能下巖穴名豈虛疇昔少年垂
玉珮壯遊猶是舊闌闔論交青門多俊尉迨事池
陽數前輩何期華髮盈我項頓使新歡更相對致
君堯舜復何人投跡山林安故態旭輪杲杲出東
方堤柳霏微迎朝陽臘窮歲逼客欲去梅芬芝秀
沾餘芳明知歸馬莫延佇却爲公子立傍徨臨岐
贈我青玉案戶牖至今有輝光

冬夜再集少文齋中分韻三首

霜寒日紫暮雲垂藉草開罇晚興隨坐久戎壺凌

遠堞燈深盤豆間新炊漢郊多壘朝烽壯周禮難
聞夕夢衰愛客平原多曠舉招尋肯後昔賢爲
苔荒久不過征輪二妙曾聞澗水濱強策病軀酬
禮數重呼羸馬向風塵陽回席接冬初暖漏急城
頭夜未馴甕底梨花傾盡出偏畱葭葦醉遣人
西豪新築傍流泉欵榻中宵啓四筵宿約能忘吟
橘契貧交不愧採葵篇漢詩採葵莫傷根傷根葵
不生結交莫羞貧羞貧交
不成杯流落日晨颺起案疊寒枝野興牽詰日賦歸
歸未得披裘相對各悠然

題杜公履像

於杜多賢有美其季豐不外浮曠無中滯和鳴兩
墳抗館天際薄游燕雲乃至吳會倬彼俊廚杵臼
投契爰錫紵衣用酬縞帶往季之疆多材多藝謂
追仲蹤胡復連逝季胸浩然自具天地獨感異徵
形諸夢寐笑乘赤虬而謁上帝視考孝弘瀟灑何
異嗚呼此露頂趺坐者吾友公履氏方叔之弟儀
賓之裔豢龍之系贊以長存垂之百世

哭殤女季羸殤兒泗三首

玉樹階前三尺新明珠掌上一朝塵熒熒獨處猶
疑夢忽忽相逢轉未真石徑愁憑喧鳥雀柴門忍

使閉格筠臨風正灑西河涕卜築誰爲伯道鄰
慈母酸澌知幾回病妻荒忽渺難開還勞忍痛旁
相慰却假離羣暗自哀憶放風鳶移白日看騎竹
馬徧蒼苔凄然往事空搔首急雨嚴風歲暮來
久客風塵蝕鬢毛初歸涕淚滿征袍牽衣觸首無
今日繞榻開顏憶汝曹亂木東原烏坐冷雙堠北
隴雁飛高悲將落蓋瞻空蒂媿逐寒流挽逝濤

耀州傅使君遣使致書敝廬卽事有作

陳蕃作郡先徐穉入廨不遑驚羣吏千載却逢傅
使君古人禮賢何足異使君世系出公孤二十承

恩爲大夫道上千人喜相告車前五馬閒且都美
名洋溢褰帷始高義忽垂采薇子朶雲中挾瑤華
落春靄紛紛綸闕戶裏歎予短髮敝風塵飄零歸臥
北山春褐衣苦寒每卒歲藜藿不飽時經旬厚祿
故人無消息霜深花徑荒荆棘使君何自懸藻衡
遙識人間有狂直侔來貽我雙鯉魚剖之中有尺
素書先從使者聞大畧跪讀素書復何如但云相
思加餐飯何必疇昔接顏面此聲况自嫖姚來佳
耦曾賓王家倩舊年吹簫黔水隈今年騎馬黃金
臺遠望遺逸在桑梓中州雲樹空徘徊鄉人延譽

古亦有宗族江淮一搔首

謂淮上宗兄條侯

使君採菲又

採葑將前不前悲老醜憶傍墮篋賦別離春林三

月落花遲亦知卿相皆妙選斯翁憔悴獨焉為

侯條

待次

嫖姚我亦缺傾蓋伯子何處揚飛旆忽於天

上得佳訊如對兩賢成高會是日敞廬狐矢懸中

堂羅列湯餅筵仁人愛人及其裔父子光輝賓客

前揭來摳衣拜堂下朋酒滿堂雲滿野惟圖一識

韓荊州萬戶之封如土直使君贈我雙貂襦何以

報之大秦珠龍蛇鬱曲不及致極目長天情踟躕

贈鄒明府靜菴

行子來遠方解衣臥蓬蓽怡情裕菊幽殫歲未遑

出長安多素心久別疎膠漆佃作麤庇身租庸少

寧日春來胥史靜忽復絃歌密嘉音滿山中名杜

相追匹恭惟明府君彼美致非一東國溯淵源南

州萃華實豫章盡梁棟扶傾宜天室紫氣貫斗牛

龍劍歸良弼我侯琬琰姿遲珥承明筆作宰迫時

艱親民觀吏術驅車萬里中涖政三月吉單父琴

初張萊蕪甌獨逸慨然顧叢爾川岳晚蕭瑟按圖

詢沃野懷古披遺質先王之所綏奕世猶堪述幽

籥吹南雅國風固可必惟德足坐治謂士爲民率

四座被膏雨羣生瞻清謚頗嗟隔荒山寒燠淹愁
疾聞聲思褰裳接境始造膝高霞堪遠撫霽景亦
爭暱避人有微尚回首殊自失故林暫開顏長道
多銜恤十年一短褐隨處資橡栗辛苦不重論景
行難具悉今晨秣我馬早起頭新櫛再拜令君前
因傾幽嘯帙霄漢得函覆庶幾終衡泌

古詩爲范母作

茂士不易覲南陔何悠然雞鳴各見役百慮私相
煎寢門中寂寞風本鬱難宣孝秀希時譽何如但
力田吾友起隴畝養親躬所先詩書敦至性洗腆
推賓筵彈冠僅卿比捧檄爲飛騫五斗雖云薄庭
闈祿食連顏家垂哲訓子弟多象賢脫榮固其分
清白斯獨傳掉臂辭大吏遄歸臥林泉陟岵歡曾
及登堂慶復延春酒具爲壽羔羊時擊鮮豈必圭
與組斑衣自翩翩小人亦有母藜藿供衰年爲君
歌此曲操管媿周旋

牡丹詩四首

並序

昔者濂溪先生愛蓮稱曰君子而于牡丹
抑此伸彼當亦託興之詞後人競相附和
至使名花黯然揆諸天地生物之盛先生

亦所不安季春過池陽牡丹大放秦園尤
佳爰爲四詩一吐其氣卽周子不至河漢
也

綺里花爭發名園與獨依石林增氣象亭榭有光
輝蝶意飛揚久鶯歌駘蕩歸人生致勳業盛壯莫
教違

麗日中天近香風萬卉浮不圖臨宛雒何處著巢
由藉席凌醇釀移欄浣碧流長吟春晝曲爛醉每
忘愁

草閣琴書潤花朝絳珮光佳人遺世立曙色冠
芳百物融孤穉三春接混茫此時成嘯飲翻欲過
羲皇

不睹芬芳節寧窺造化才池魚牽影出塢雀向人
來曉景霞千片穠雲露一杯吾廬問佳種懷抱可
時開

再過少文園詠繡毬花四首

冉冉春郊日琴樽接勝遊伊誰蹴宮綫澹蕩作天
球振鷺潛相引藏鷗迴自謀每來朋好合兼釋異
時愁

室敞居仍聚林幽嘯不違竹泉滋皎潔蜂蝶取精

微只遣青蹲在何妨白髮稀前津流水入更得置
漁磯

對酒疎狂極看花次第深依然開畫榭似欲變鳴
禽水弄清瑤色風舒粉絮陰寒衣無不可藉草亦
隨心

勝地疑槐市名賢類竹溪時六子同舍翻畱冰雪賦却

使艷陽迷道路難高枕山林慕舊栖坐論良會濶
林圃徧相攜

又陶世丈暨從孫德符招同青巖叔潛子實
季徒次典公礪少文集飲翠竹山房子舊

嘗憩此別來二十有六年矣述德興懷以
屬和者

瑯琊祖孫皆素心別構墻東卽竹林三月鶯啼春
酒熟掃除曲徑相招尋花時風雨每相妬早起霽
輝滌繁陰執友數人諧夙好香醪一滴豁幽襟頗
宜寒翠吹虛籟况有鳴琴送好音令君飛鳥領畿
縣公子才名推弱冠坐列樽筭多遺蹟壁懸圖書
寡近翫博山歛發都梁雲片石還生北地面時出舊研

有獻吉先生欵識秋杵落落做深席舞帶翩翩洽終宴却

憶昔年過獲中齋筠下榻光輝同一賦遠遊出關

塞歸來華髮悲轉蓬再逐朋車集荀里須臾少壯
成老翁我嘗辟咄丈人後忽復祭酒先諸公男兒
棄擲勿復道珮玉鳴珂在年少往事踟躕空煙霜
眼前顧盼盡英妙當花對酒莫辭多此夕不歡將
奈何人生離合難稱意忼慨臨風一高歌

春晝同振之雲生子實少文又陶飲薛爾至

前輩草堂泛觀書畫三首

勝集憐焦穫高人拜薛收幽居泉石癖靜晝竹書
流粉壁輝玄燕晴松劇雨鳩撫塵懷故老零落不
勝愁

亂石圍墻迴雙藤滿院垂龍蛇紛跋扈雨雪恣葳
蕤問齒余生及臨觴野興隨屢來清蔭下遙念苦
心爲

堪上七旬酒况逢三月花長林私野逸古砌落雲
霞座接羣才壯歸忘暮景斜清潛饒竹嶼更欲泛
浮槎

陶伯爲韓駕部聖秋先生令嗣賦詩贈之

藉甚韓公子傳家綵筆稱每開緗帙夜親倚玉壺
冰更可章三物休教近五陵圖南風漸厚拭目待
鯤鵬

東王二達生

司馬即大龍先生之子

道勝耽幽跡塵居迴絕塵邦清樞部里客過紵衣
人愛酒繇天性工書邁等倫夜來貽小楷懷袖自
生春

送人之京

送君京國去楊柳正依依惜別牽春草登筵擁暮
暉罇中黃鳥度馬首碧雲飛不負聯牀約涼秋風
駕歸

贈趙伯岑新婚二首

河上三星夕翩翩出御輪綵衣要玉珮驄馬蹀青
春憶幙牽絲好階庭列炬新自今嘉禮合無忝丈
夫身

婚嫁催吾老文章及汝翁塞雲歸妹近春酒盃簪
同剪鬢猶前日探梅竟國風雞鳴應有賦令範寢
門中

同子禎子實飲元深西園看牡丹得流字合
字

半畝嵯峨色爲園帶碧流主人多獨臥春酒及同
浮未覺茅茨小祇憐竹徑幽日長拚盡醉花好更
登樓

春卉繞亭南名花發興酣臨池滋遠翠倚檻落疎
嵐雨露三春得乾坤萬象合只宜豪飲共無使衆
芳叅

三月杪同子連方叔青巖諸君集少文東郊

園亭四首得微字園字妍字家字

抱郭山林靜當門竹樹圍諸賢遙有約永日憺忘
歸徑僻通蒼靄亭高接翠微未容飛傘住斟酌向
斜暉

碧柳春逾峻黃鸝暮自喧故鄉期會少新雨發生
繁杭稻耽畱客簪裾學灌園偶來愜幽興披豁並

忘言

抗館清渠近疏峰晚照懸猶憐修禊日共坐落花
天甃壁開孤爽虛階納衆妍白頭對朱紱青嶂落
芳筵

縱酒寧辭夜張筵故倚花坐聞羣籟響門斂半城
霞豹隱工無術鷗浮薄有涯放歌聯所契高臥卽
爲家

王青巖得小婦詩

弱冠看花容新歸意氣中綵雲人自媚紅葉賦初
通百爵長虛右三星忽在東徵蘭今後事黽勉佐

占熊

甥坦三年之喪畢作詩慰之

觸景嗟遲暮含悲撫鳳毛而翁趨漢闕不及試江
袍劍珮三年冷枯楸五尺高牽絲雖未就坦腹望
中勞

再集晚園

盡醉東園酒翻疑北郭家傍城迷晝漏移坐劇昏
鴉曲榭風初歇中天月正賒蘭亭違好會及此戀
明霞

送人之京

清水清無極離樽倚斤開野銜虹影去城遶翠微
來贈別攀春柳旋鑣待落梅 帝京誰好事圖畫
一論才

同官呈王明府二華二首

時來署篆

向有中都別遙臨絕塞秋故交紛雨散垂橐共雲
浮罷接狂歌侶愁登縱飲樓對君悲喜集江海思
悠悠

被禠懷秦祀川原領漢封須君雖五日在邑比重
墉碧帶郭南澗青攀天上峰鬱蒸昏更甚揮灑習

池裕

同官習酒有名

夏日常仲符前輩招同諸子登凌遠閣並懷
習項城繼遷二首

步屨從前輩登臨與衆髦
褰衣青嶂濶把酒翠微
高峻壁雙城坂新松五月濤
白雲瀟灑甚攀弄不
辭勞

漆水緣郊去銅宮想漢初
勝遊長寂寞虛閣暫躊
躇戎託關梁老山連雉堞
疎故人花縣隔鳧舄正
何如

送金明府鳴霄罷官歸京師

二韓世家橫雲霄七葉金氏皆珥貂
我侯未壯已黃綬珠珮翩翩來渭橋
渭北川原多大邑頻陽乃自先秦立
大田時聞碩鼠鳴中澤未睹哀鴻集
侯兮匡坐意悠然閉閣彈琴忽累年
不比丹青成速化誰云琴瑟必更絃
自公多暇繁玉趾裘帶徧交都人士
却憶車旗過蓬華如余淪落亦爾爾
辭君足跡在天涯十易炎霜未還家
賴有二天庇桑梓長途高枕寬愁嗟
寧知世網密如草蕙質蘭心難自保
馬援憂傷中流言陽城撫字書下考
我侯功垂九仞餘裁失一簣無安居
騏驥如飛只暫蹶燭龍含光寧久虛
嗚呼薄宦悲垂橐罷官徒壁增蕭

索暑雨長征關輔道將求升斗不爲薄自從堂上
少知音無復入城論素心臨岐脫贈一樽酒酌對
叙茲肝膽深六月鬱蒸被曠野風飄赤汗嘶班馬
離筵辛苦詢前期却立吞聲淚如瀉

送王頻山督學之楚任

省郎清望徹容臺南國旌旄授簡來郢士操歌聞
古調湘妃鼓瑟彙羣才橫江曉渡中流楫傍岳寒
生細席杯我亦有懷凌桂水汎舟猶阻澗之隈

張閩使茹王趙三幕僚郭贊府招同諸子集

秦邸西偏因步壽樂園限韻二首

霜霽天高木葉稀邸門搔首一沾衣中間玉砌浮
寒景別殿金鋪走翠微想像鼓鐘遺淚在悲歌禾
黍壯心違朝來輦道樵蘇合紫闕千羣縱牧歸
畫棟何年落燕巢空垣列幕藉叢茅游魚曾滿滄
池上架石還凌玉樹梢竟日愁深惟判飲羣公祿
薄更兼庖西來佳氣寒猶得欲傍清笳出暮郊

放歌行

有序

秋日客青門所交新故凡數子共昕夕者
三閱月爲放歌行紀之

神禹鑄鼎之荆山山之布衣中閉關夙懷求友復

受禪堂詩卷四
三
他出秋入長安冬未還懸鶉不知憂雨雪茹藿翻
得好容顏蓬門忘饑日復久有數君子遊其間結
交要在含情素何必新知不如故于生憔悴來江
左百折逃禪多妙悟朝來斷米已經旬戶外朋車
鬱無數危坐無言或終日動心忍性成大度梁生
質肆且藏身肝膽較然披向人憶昔神龍違窟穴
蛇螭異種寧相親魚服遂遭豫且制從行何意潛
完鱗至今越鳥每南向涼風一起恒沾巾與生舊
歲照杯酒實惟廖生相左右惟蜀有才廖稱最貧
春廡下同賢婦士曰昧旦女雞鳴朝行暮歸情不
苟斐然詞賦貧逾得貽我七歌嘗在口貧交宛轉
悲予心且與汪生理素琴躁釋忿融見至性含宮
苞羽聞希音晴霜滿野暮山紫擁褐醉眠秋氣深
惟生憐我寒無寐靜夜一彈輒橫參男兒作事期
有濟往往往英雄亦游藝吾友張也賣卜耳淵源遙
遡清河裔君平取市僅百錢日付酒家聯高契有
時判責解短褐獨立雪天無歸計多謝梁生爲授
餐郭生鄰近初締歡璞也追隨十餘載渠翁託好
氣如蘭久客蕭條倚門闌殘杯到處含悲酸數過
亦不因盤豆文采彬彬今所難吾徒王生天下士

輔也况屬通家子工詩工書自家學與汝相期寧
在此子雲皓首竟何成司馬多才空復爾附翼攀
鱗及汝壯唇乾足胝吾老矣諸子紛綸美亦符褰
裳把臂漢西都古道千回興不竭高談四座貧相
娛菜羹可迭爲賓主松菊所之隨有無駑馬敝裘
恣遊戲那知天地當窮途人生會合嘗難必歲暮
時移不具悉如澠之酒盈我側况有同心論膠漆
華岳雲開霜未封秦川雪後樹猶密昨暮黑頭晨
皓皓胡爲不飲愁明日

別友二首

結友多吳越君年妙一時並呼秦氏酒初識漢宮
詩雨雪深岐路關河擁故卮賓鴻歸有日莫令好
音遲

聚散渾如此愁歌復幾回征途存壯氣故國遠羣
才嶽樹衝寒發江花夾岸來離愁侵短鬢不必望
鄉臺

受祺堂詩卷之十五

中南山人荆東李因篤子德著

蠟梅花三首

尚託東籬卉先分五出花開遲幽向雪底濶淡流
霞暖覺生虛牖香疑遶過車罇前詢所自况出故

王家

磬口出
保安邸

霜霰徵陽德枿筠共歲寒誰畱明月蕊忽結彩雲
團獨佼遙從後羣芳久自安黃鐘鳴始律一氣長
聊玕

古處辭蜂蝶含愁斂薄妝玉壺時取貯金屋夜生

光顧影江春近浮階霽日強好修資汝潔移傍北
山堂

後紀別詩

朔風吹飛雪遊子當遠之歸來北堂上已屆明發
時伶俜初有託我母體仁慈銜恤日百端撫茲黃
口兒母云此尚可嗟汝行何資小心事公卿高義
還自持凜凜晨飈嚴恨恨步履遲旣無衣與褐長
往兼渴饑再拜出門去徘徊未能辭晨省違其分
欲言忽自疑努力營甘脆修途以爲期不如從吾
素菽水足相怡

寄龔使君素若四十韻

龔舊令府谷並及之

漢家龔渤海今日授平涼左掖彤雲近中原紫氣
長雙旌明曉雪五馬粲初陽陌路人皆喜鄰區客
尚彊歲時矜夙願河嶽庇殘疆候吏遙相識塞帷
倍有光共云花縣宰猶是漢京良較別驟加大後
來鬢未蒼楚材追郢都周雅續騷莊果自絃歌起
旋聞使命彰公自府谷擢大行飯蔬寒獨耐羅雀興逾狂
每過崇津却翻從野逸忙皇華清比士粉署擢爲
卽式敬分秋憲惟明肅國嘗承恩同列戟入對獨
含香玉託壺冰冷星沈貫索苾勞深還領郡歲晚

忽嚴裝待漏辭閭闔連雲度太行輝疑虛谷景凍

落遠林霜斤竹搖葱珮巖霞拂繡裳入關寧信宿

浮渭只孤航倘涉傳經里應懷種柳堂敝廬多舊

德吾道且遐方出塞依句注往從陳使君蒙交託

定羗蘇刺史生紫牧保德日讌遊殊彼此公與陳

師子遠金石固存蘇已故公每念邊隅別曾趨

輦轂旁鷓鴣惟暫寄鴻鵠盡高翔茹藿饑仍忍披

裘署亦忘幾人憐白雪他日辨清商集邸簪裾盛

開蹲草樹芳周旋遺俗眼契合在剛腸久旅居難

必晨征去勿違江帆侵薜荔鄂月照滄浪時子將

寵擢驚新序羈棲憶故鄉縈思更絮葛欲濟阻川

梁芮密嘗連軌崆峒屢裹糧予舊從陳使遙知車

嗟嗟若引馭鏘鏘古闕探王母豐年名鳳凰西戎

愁累逼北道急先防肯不捐歡愛佳音一寄將

贈高使君擢楚臬二首

行歌獨滯九秋塵忽邁雙旌四座春醉裏論交連

海岳風前把袂傍松筠中原縞帶初通楚絕塞黃

花久庇秦聞道外臺推越次漢廷他日近楓晨

親驅雪幕靖西戎遠望星輅下朔風遂有笙竽盤

水鯉頻傳尺素倒賓鴻荆門漢月重觴外隴樹江

雲一氣中強項自憐頭已白追陪幕府媿微躬

長歌呈高使君欽如

君不見大江之南漢之東
竭來秉憲得高公
霜戟蕭森拂曉日
畫旗窈窕揚春風
出門時跨五花驄
談笑能開兩石弓
曾向西陞射猛虎
浩歌泥飲何其雄
憶昨雙帆下洮水
咸陽十月承嚴軌
幾夜透迤拚酒杯
諸公邂逅接鞭弭
遠天忽帶塞鴻急
深席猶憐餅菊委
旣醉何人賦草蟲
遄征有士思苕苕
予適訪舊獨躊躇
清河將軍喜讀書
野服簪裾聯好會
繁絲急管同前除
匆匆攜手來江夏
去去

寒衣望孟諸拚違上谷非得已

謂陳使君

有約并州復

何如

時顧徵士在晉遲子

頗聞楚漢民孔亟甘雨隨車瞻蘇

息

時久旱得雨

七澤星寒貫索空五雲日麗中台直自

到高齋幽興遠徘徊忽已青陽逼黃鶴晴川尚眇
茫洞庭雲夢填胸臆天涯歸思日紛紛薄雪初晴
草欲熏躋堂且附兕觥舊適野將還麋鹿羣應耽
夙契北遊趙或理潛期西渡汾君家最近采薇里
他日行歌肯再聞

答周叅藩伯衡

太史高吟黃鶴樓風帆時過白蘋洲憐予陟屺懷

明發對客班荆慰遠遊
細雨落花清夜醉浮雲芳
草別筵愁相思莫漫音塵冷
萬里雙魚次第求

答南陽大兄

漸遠北堂日初承南道詩
雪鴻貽惠問春草入住
思墨突遙須婦青氈近與兒
促裝疎取別雲樹憶
高卮

送高三肅公之建康迎令姊歸寧

四月薜蘿雨三吳鴻雁秋
送君馳水驛將姊出江
樓白接鄰帆過紅依斤樹
流高堂勤暮倚按自數
歸舟

東高二巒伯

曾依北斗問華簪令祖尚書
遠扣南舷託素心獨見綵
衣工拜舞時來花萼慰登臨
雕弧繡柱瞻佳氣嫩
竹疎松愛好音孝友應於家
傳得旆嘗莫忘主

恩深

答劉斤先

申陽文獻攬遺封後起胎簪
得秦龍觸暑重關裝
劍珮懷人七澤采芙蓉淹畱
不爲江魚美咫尺還
孤社酒濃擬向石渠分夜色
應趨金馬待晨鐘

黃鶴樓

彩翎何處楚天空飛棟猶憐鄂雉雄勝地金罇高
夜色仙人玉笛散春風江雲漢樹寒牕入蜀檝吳
檣拂檻通一自橫戈悲彼黍蒿萊不辨故王宮

贈高大扶南

大雪同辭漢苑鐘微霜已帶楚天裕長臨玉樹憐
車騎獨傍青雲美仲容雨散遠林明薜蒨江高秋
水縱魚龍促裝聯榻經寒夕春酒杯浮琥珀濃

送母姨夫朱公仲采之上杭任

龍巖仙令木蘭舟八月來登黃鶴樓共道鄉心通
漢水誰知客夢冷江秋潮迎彩鷁花爭發野接飛
鳧露漸流北闕於今勤課吏壘書迢遞下汀州

晤遂安丞表祖石翁

廬舍相依澗水分德門中表託氤氳自從解褐通
初籍何處傳書慰舊羣萬里關榆天外墮三秋江
雁雨中聞離筵甫合催征馬早傍棠歌過白雲

送巒伯將妹之石城却聘小婦同還

白露初零赤葉稀清江忽挂彩帆飛去聞柳絮聯
高詠來有明珠擁暮輝雨色正深東渚合秋聲應
帶朔鴻歸菊芳蘭秀思公子朋酒休教永日違

客鄂渚營草堂成述懷呈王藩伯茂衍次老

杜將赴成都途中寄嚴鄭公韻五首

征塵偃息楚遺都抗館班荆覲使符但得炎荒休
鼓角不嫌蓬蓽寄榛蕪枿陰畫舸堪供釣竹征甘
泉足代沽綵筆幽期俱不爽新歌傾耳慰狂夫
採採池蘭傍澤蘋他鄉忽復就冬春自緣羈絆悲
遊子每到登臨憶故人觴逮庾樓明月住笛迎仙
侶白雲鄰已拚花榭消遲日更對秋臯霽色新
從辭谷口出潛谿塞草湘花路欲迷萬里客蹤清
沔外十年心跡太行西愁來風雨淹舟楫夢裏關
山入馬蹄盡向知音一披瀉寒裳未暇計雲泥
編茅半畝插疎欄隔院霞飛接翠湍落日曰春連
馬隊清秋天地一魚竿招呼數遇杯醪碧竚立空
吟木葉丹亦自荷鋤虛戶左預防蒿徑駐車難
荆門見訪曙煙微夏口重隨返照歸睥睨論文桑
梓共艱難作客歲時非青山桂杜誰招隱皓首江
湖暫適機相望久懸霄漢榻正須時引薜蘿衣

中秋夜王督學文石招同里社集飲五首

楚門明月庾公樓百過翱翔興不休正值良宵開
燕席依然故里接朋儔江山自可銜杯問閣道何
須秉燭遊漠漠虛檐時獨倚波光一色皓同流

誰驅白兔走林臯閣上清輝送綵毫繡栱虛侵銀
漢影珠簾直捲素江濤臨風空濶留仙笛散帙縱
橫見楚騷子有囊琴久不御湘絃新向月中操
使車多暇綺筵清座滿枌榆酒共傾醉裏推牕看
漢樹歡時擊缶和秦箏褰衣白露三秋色濯足滄
浪萬古情月擁玉壺天似水光華偏爲故人明
邊隅十載論行藏忽漫憑高水一方咫尺疎星搔
鬢髮徘徊落綺散衣裳關河入照雲虛遠葛屨迎
寒夜未央地阻情孤欣此會中宵不惜盡餘觴
天涯懷抱鬱無端邂逅交親一罄歡冉冉宿烏屏
外起飛飛歸雁鏡中看極娛談謔心翻迫將徹庖
厨漏已闌班馬並嘶催客去幾回惆悵後期難
十六夜會飲臬署西臺卽席贈潘令瞻

崇臺倚北阜畫榭凌清秋豁然星斗垂俯視江漢
流伊余采蘭茗七澤淹歸舟白露晨始降丹楓夕
颼颼令節有招尋羣才羅楚州短褐不蔽體簪裾
忝同儔寒空無寸翳明月吞前洲願持一杯酒澆
我萬古愁天地盡一攬纖毫資冥揆息羽數自起
歸鴻鳴相求佳客來三吳紵衣通獻酬金波照玉
樹綺席光天球痛飲挹爽致高談醒醉眸披襟長

風間潦倒夙疾瘳忽思少壯日回首關輔遊結交
多俊廚時序共綢繆灞上柳色盡樊川霜氣浮萍
蹤南紀內羈思仲宣樓炎蒸尚在眼歲暮何其適
清輝漾人鬢素髮盈我頭相依惟濁醪不復論杯
甌新歡况滿意縱日兼銷憂夜久吹籟寂憑闌枒
桂幽感慨中易集修名誰遑謀丈夫具本性安得
久王侯栖栖面顏覩弄此詞翰柔人生離合端譬
若水中鷗欣覲良宵景光華竟座畱班馬當筵嘶
躊躇且復休朋樽幸不竭莫問巖城籌

客散獨立西臺慨然有作

經年對明月此夜應獨好晦朔雖有期陰晴未相
保落日來微風寒空淨若掃臺亭瞻新成夕露白
皓皓取醉蒙簪裳忘形共潦倒哀角衝筵急巖城
解袂早移時喧談謔未暇挹長昊悠然賓侶散始
覺清輝造灝氣涵名都金波接絕島澤陂通潮汐
河漢縱探討桂樹何年生扶疎終不老辛勤大藥
就玉兔爲誰擣節晚及黃花是年閏七月秋深漾碧草
遠渚飛鳥鵲高江動蘋藻燿火衆星避神明天地
寶未照安旅途孤吟信吾道此中敞南紀何處望
西顥慈母添龐眷嬌兒尚繡襦關塞寬兵革舊廬

受禱堂詩卷五
九
足禾稻片帆終操檝歸馬亦在皂臨水洗煩憂振
衣開懷抱潛將啜景光日月同壽考

再呈遂安丞表祖

天涯獨上仲宣樓錦帶相逢盪客愁薄宦不辭延
海嶽通才何必盡公侯頻來藉草青楓邸忽復懸
弧白雁秋君過富春須借問釣灘可得漢羊裘

喜子禎先生至武昌敘舊述懷四百字

去年春雨積朋屐滿柴門吾子最顛顛敝裘汗泥
痕高堂然剉薦野菜充盤飧微火續中宵典墳同
討論新醅苦易竭客馬嘶朝暎花節臥焦獲宿期

仍駿奔汎愛語未展窮途聲獨吞南征霜霰嚴託
足楚天溫不寐懷明發長饑兼弟昆所希在升斗
何敢辱芳蓀載聞黃鳥鳴相憶紫榆繁一燈將共
續孤竹本同根使君采末契筐弊肅高言秋水傳
尺鯉琳瑯照荒村遂令幽栖士馳此夙駕轅露洗
鬢毛脫風吹衣絮翻荆襄故重鎮控帶臨中原千
載呼羊杜順流弔湘沅班荆屬歲暮菊蕊殘空樊
顧我開旅抱蓬蒿色飛騫阿峯追步趾負笈來西
軒殷勤向父執拜跪通寒暄浹日啟詩書山亭接
璵璠北斗垂屋脊波濤明虛垣每來坐嘯並平日

受神堂詩卷五
羈愁煩搔首望燕代側身思名藩往者託縞帶諸
賢盈清罇徒泣楊子路未酬信陵恩男兒有去就
大義孚乾坤焉能棄所好浪跡如窮猿况我白髮
母倚閭朝復昏數緡不救餓銜恤鞠諸孫子雖束
脩薄匡席吾道尊枝柯待潛翮溟海瞻化鯤予志
甘巖穴故交亦具敦東臯闢遺舍引水爲小園卽
看三徑荒猶幸枌菊存枌老發虬枝異時君再捫

九日

百尺臺成菊樹香愁來仗劍立崇岡

臺在地山上

江山

無恙兼懷古歲月安歸一望鄉
晶晶雲沙秋水白
遙遙橘柚楚天黃故園諸弟開罇處
遙憶賓鴻去路長

寄十六舅卽送計偕

外家清邦族諸舅君最少欣瞻門祚成獨使德音
蹈侍御古英流登朝當未造封章憤時艱所斥多
津要雖結聖主知竟遭危言調白首一蹉跌滄江
有遺悼舅氏生也孤亂離髮初燥旣無獨立語兼
背三遷教流矢蕩驚魂故廬寒返照竄身鼓角哀
歸路干戈耀急難寡在原強近疎同好勺水養潛
鱗深巖工霧豹譬彼枌柏姿早期棟梁效自堪凌

雪霜終不藉蘿藦當年擢上庠索處耽幽歎時來
玳瑁筵一任笙歌課繇人譏迂疎不自苟顰笑何
必衆皆憐究爲神所勞高臥聰明歸把觚製作妙
虛受日孳孳篤行胡慥慥世德延箕裘君才本廊
廟已奮冥鴻翮將趨金馬詔清門萃簪裳奕葉光
雲嶠內外觀諸孫惟予最不肖總州辱殊知泥塗
悲旅貌徒孤宅相名幾見搏扶到在野嘗耦耕臨
溪亦垂釣水木有淵源涓埃無寸效數吟塞外春
遙繫荆南櫂登樓時拂衣陟岵屢迴眺慈母旣高
年渭陽睽俊髦相依手足情夙取天親導歲首徵
公車冬嚴急吹竅卽次多所懷騰驥固能料對策
近丹楓看花迎紫誥遂發名山辭徐酬宣室召
西北尚飛翰江湖連旱澇弘濟在斯時顯庸何足
道承家纘前休錫類稱至孝庶存行葦私永保貞
筠操

至日有懷陳使君二首

往歲羣才滿雁門茲晨屬飲共清樽却愁江漢風
濤冷長憶襜帷坐嘯溫雨雪南征迴日馭關山北
望接雲根玉珂珠履無消息磧柳邊梅有夢魂
佳日追歡阻浪遊歲嚴霜渚繫孤舟天時人事同

消長塞色江春有去留懷抱三年述所向寤歌中
夜炯深愁黃鐘欲轉寒厓律白髮空搔舊贈裘

贈高使君初度二首

春郊獨奈採苓何憶託車塵一放歌碧露載蘇雲
夢草牙檣同涉漢江波筵開陶庾簪裾盛節照荆
襄控帶多冉冉和風吹畫楫關山北向早鴻過
使君冬狩馭驂驅繡葆駢弓識壯猷日色長懸青
玉案霜華忽漾紫貂裘梅添臘嶼迎雙幃橘傲秋
枰冠十洲此地景升曾結客有人重上仲宣樓

立春日題得春字

時在
荊州

黃鵠志萬里羽毛誰復馴赤驥嬰鹽車嘶鳴欲求
伸宿懷本巖壑飄蕩於風塵一爲江漢客再見他
鄉春七澤久未凍冬青寒猶新蟄足有垂絲滄波
多來鱗飛雪聊應候早霞還照人傍簷鳴好鳥斗
酒亦時陳鬱鬱遠遊子敝裘如懸鶉負暄暱南景
當曝違慈親西土高且巖蠶桑嗟窶貧比年曠溫
清蔬食寧及晨嬌兒畱母側弱弟多苦辛待火霜
霰外傳書蛟龍津觸序思妻孥追隨感天倫若曹
雖暫睽雲樹同比鄰秔稻秋頗稔蕨芽亦易詢朋
舊垂章紱問遺不乏人皇天迴淑氣歲首發深仁

受補堂詩卷五
振衣王粲樓疎放存吾真

除日承王藩伯茂衍貽詩見懷兼致筐幣却

謝

老爲荆南客蕭颯適歲除所營嗟羈旅焉得不太
疎臘蟻浮椒花壺觴率易虛里社二三子清談盈
我廬太原邦國彥關岳拔連茹光綴鑄鼎宮秀涵
華清渠對策甫弱冠褰帷從皇輿高張西州幕再
抗南北車慨然蓄故舊誼不遺樵漁涼秋一枉駕
朔雪數傳書每過陳玉案開罇命嘉蔬緗帙搖棗
竹墨莊粲紅藻龍山復邂逅漢水空躊躇歸旌迅
莫攀客路窮安如度歲在俄頃懷春猶拮据徘徊
顧邸舍曠蕩同村墟門有經年負益無斗米儲敝
裘聊一拂華髮嬾新梳我公獨不忘搔首臨居諸
貺以尺素札緘之雙鯉魚捧持再拜跪開視照蓬
閭上云重自愛下云長相於燒燭展高詠解筐傾
璠璣豈惟追白下超古凌黃初齊紈渾待製已覺
侵衣裾煌煌錦鞵鞞未敢側填淤涸鱗去堪縱困
翻寒欲舒盈几漾劍珮醉眠通華胥溫風披戶牖
令節有吹噓仗子勤惠好從容賦歸歟

除夕同子禎璇伯約生雲叔舍弟嘉武昌守

歲分花字

暖風拂早卉芳色高吹葭蹉跎歲月改
暎晚西暉斜鄙夫一行邁江漢淹孤槎
豈但歸路遠蕭蕭鬢毛華嚴冬忽有適
返棹凌春沙八口半旅泊誰云非吾家
寒曦寧不仁短褐體未遮橘柚楚林茂
移時童孺嗟此味失亦可拊膺懷天涯
所親靳溫飽回首猶暮霞度除諸侯邸
良友趨步賒絳燭照脊令清觴兼蓬麻
層城劇梁棟燎火喧鼓笳團椒各應候
爆竹如潮譁玉漏久寂寞中宵聞行車
貔貅撤廣陌雕績明飛紗雪盡羣峰秀
官梅亦已花盆藻杼翠縷藥欄吐紫芽
拚飲且共遣敢吹開龍蛇關岳思尚健
未應問丹砂

元日武昌謁

孔廟二首

魯殿高周日南池碧楚天春迴戎馬後
地肅藻蘋邊玉珮銷雄霸蘭臯帶逸賢
異才孔廟畧瞻望獨森然

翠木榮初序雕牆託故宮馨香諸夏潤
禮樂萬年同曉裛包茅露清涵江漢風
不須論改物於此識鴻濛

元日同守歲諸公

歲在昭陽
赤奮若

但識春暉好誰論歲事增辛盤成邂逅濁酒共峻
嶒敞戶青陽入高巖白日登縱吟聯數子佳氣滿
孤藤

巒伯餉紅梅柬謝

海日融新雨江春放早梅美人雙屐色高閣數枝
來近帙霞初上移爐火暗催故園隔芳草應報隴
頭回

正月二日大雨雷電

驟雨纏鬩電初春迅始雷寒光噓萬象屯難醒羣
材擺薄蛟龍起驚飛鳥雀迴書時應謹日魯史亦
悠哉

太昊行武昌送黃二璇伯之黔中

璇伯秦州人

君不見太昊生於古成紀卦臺高擁三陽水茂風
一氣開黃虞文豕孔辭互終始千年龍馬不再出
西控戎羗高霸壘拾遺萬里來荆門懷古悲歌從
此起黃生磊落產其鄉弱冠操觚視八荒四科屢
舉冉閔亞三輔時同厨俊翔獻書闔闔老未遇南
涉江門飄孤航蒼鷹卷翮怒霄漢赤驥長鳴蹴冰
霜憶在五原通歷聘使君掃榻肅新詠諸彥爭息
大木蔭匹夫不傷幽居性幾回紫塞溯黃雲此日

白髮共青鏡楊朱岐路空灑泣阮籍窮途奚奔命
葉公好龍龍非真齊門鼓瑟復逡巡驕寒並理漢
江楫守歲能甘藜藿春豈無椒盤下侯邸隨事柏
酒沾客唇戶外悠悠莫莢換天涯莽莽年華新昨
夜綠雨涵朋屢朝來丹萼照盆樹啄雀盈砌飲初
闌驪駒下堂客欲去草隨征裘色半脫塵拂匣劍
光猶注短篷飛櫓僅容身湖水黔山愁屢渡夙聞
南伯耽彩毫芾棠頻著西土勞銅鼓無聲明河靜
賓山獨壓文筆高翠羽明珠非所問紫藤青荔恣
遊遨慈母倚閭望彩袖歸帆莫使遲秋濤

答子禎題几上紅梅

夙昔梅花賦風流宋廣平丹心看尚在綵筆對逾
清數朶春偏惜盈盈酒共傾何繇沾鼎鼐一使泰
階明

置梅几上同諸公夜酌

夕霽仍涵雨春和已任風乾坤迴淑氣草木判鴻
蒙轉度香醪碧深連畫燭紅向來無數樹曾照楚
王宮

移梅入內室

江上浣花客所居成草堂傍梅熏雜珮移几冠羣

芳鬢髮驚春及江湖引興長朱鉛對青鏡雅欲助
晨妝

對梅再成小詠有懷陳使君

露浸圖書濕光分枕簟妍微芬含綠蕙古處動朱
絃雨雪蹲常在關山笛莫傳閣梅畱詠遺回首雁
門邊

詠梅四首

浦霽梅花曉城春鳥雀飛江山先受命竹木靜涵
輝問使鄉心接傾壺楚望歸歲初憶朋舊東閣好
音違

翡翠晴雲注珊瑚紫露調隨風熏七澤得影澹孤
標託贈恒臨野忘餐數及朝幽尋多漫興未覺杖
藜遙

世憶羲皇古天攄雨雪春和羹誰應候急管自通
鄰勁氣迴幽壑芳華帶白蘋標梅應有賦懷汝曠
年人

暗水雕欄出疎陰錦榭香乘時超萬卉取色賁三
陽素蕊深移月丹葩不礙霜虛垣頻洒掃采采竹
書光

人日同子禎璇伯雲叔舍弟嘉小飲

人日朝來霽合椒猶在觴故園違雨雪殊俗問年
光暖逗瓶花紫春融磧柳黃時看北飛雁媿汝早
還鄉

鴈

野泊三湘雁春歸萬里羣影斜天際隔聲急夜深
聞露啄江干草晴飛渭水雲衝寒梅始放色淨羽
毛分

對鴈懷舍弟

鴻鴈看仍去鵝鶻奈爾何別離空曠蕩書札且蹉
跎汝懦飛鳴晚身遙旅思多異鄉送高翮關路杳

烟波

元宵前一夜武昌作

娟娟玉漏九霄催袞袞笙歌萬戶開若木扶桑銜
燭起魚龍江漢噴珠來他鄉欵客傾儲粟令節開
樽把舊醅咫尺朋籬高北岫遙臨火樹亦徘徊

元宵行

夏口輕颺罷飛沙雲開九陌生光華長江明月淨
若練照我忽在天之涯短褐多暖固其分村醪數
杯不須賒同人况沐如蘭誼置酒復臨棠棣花使
君晚登百尺臺珠珥玉珮行徘徊別有一筵欵賓

客芳罇滿座同崔嵬
羚羊之角雪皎皎
翡翠之屏水皚皚
下有八駿出御苑
騰驤蹴踏皆龍媒
上有羣真集北斗
雕梁畫棟凌蓬萊
萬草千花競紫欲
翔鸞棲鵠銜朱瑰
逡巡夜闌月轉白
錦帶公子還相索
窈窕春燈劇上竿
吹竽擊鼓喧前席
十丈芙蓉火裏秀
層霄霹靂階除圻
燎原不礙畫圖明
天半飛來樓閣碧
東望遺宮霜露深
故池無復蛟龍吟
楚王供奉散暮雨
瑤瑟哀歌空荒林
西門柳色春蕭蕭
士女嬉遊滿星橋
安得風俗返淳樸
泰階光輝玉燭調

戲詠愛妾換馬

宛轉蛾眉別怨長
華軒叱馭趣嚴妝
白頭吟冷青絲絡
朱汗光移翡翠裳
十斛五花如反手
驚鴻飛兔不同行
珊瑚枕截垂鞭去
一任愁歌君馬黃

橫山寺塔燈

寺故僞漢陳友諒所居

霸業銷春燄
崇標聳翠微
千枝燈窈窕
十里夜光輝
射水潛蛟出
連雲列宿稀
近來負幽興
懷古寸心違

受祺堂詩卷之十六

中南山人荆東李因篤子德著

哭王督學世兄文石先生五百字

僉憲鄉黨秀溫溫樹儀刑垂哀沾旅櫬撫事感流
泮壇坵頗叨竊里廬皆互經庶幾陳世講銜狀待

新銘時子為公作行狀憶昔封大夫潛修茂林垆所交罄

厨俊巖戶虛翠屏先子忝高契揆辭方壯齡各輸

戴笠素披豁春蘭馨聯牀闈仙郭公村為唐賈島故居封大夫與

先子同業西寺並采西土苓陟岵徒恂怛呼天痛沈冥不

肖久困墜屣焉嗟伶仃豈知琴書地猶接泰斗矧

夙好推遺孤諸郎藹鶴鳴子獲侍封大夫於西寺因交公昆季拜命

屢拂紳牽衣真忘形公才美淵璞振藻如建瓴三

物竟先達公鄉舉先封大夫一經繇過庭明光擢上第鄴

下褰輕輶公以進士授臨漳令鳧傍魯山碧雉歸漳野青遷

喬適際會典察兼都亭公以名至京授南城暫拔太駟貳未幾

遷太僕丞旋高即署星隨擢戶部員外清泉遙借箸白鷺再揚

舫出督臨清餉又監西新關輓儲紛泱泱題柱鬱精淡旁求晉

水逸博覽堯階莫已解植瓊樹何因飛迅霆公典晉試

稱得人旋以浮言被勘鯨鯢駭逐浪孔翠愁梳翎新恩一滌

盪畫旆重峇峇優詔復職補湖廣督學揭來轉楚些兼得驅

湘靈觸熱奔鳥道臨餐罷魚腥迴翔週萬里瘴癘

染孤汀秋颺肺氣作夕火臺門熒欹枕事終集射

侯勞未寧公力疾竣武闡究為二豎奪無復雙旄停緬維

曳敝屣辛苦趨巉陁江帆雨颯颯竹館風泠泠遂

忘使節峻時啓朝闌局分米扶凍餒贈言慰飄零

縞帶脫珠閣香醪傾玉餅談浹懷少壯飲酣視滄

溟敘往瞻挂犢長吟掇流螢篇章辱指顧筆削煩

叮嚀公盡出全稿屬子論定憐君本宗器未及登大廷狂颺

隕芳杜積霰摧碧櫺刀圭悲盈几卜筮負結筵視

斂仍垂橐應門僅數丁短策號弱孺空帷泣娉婷

鄂雲擁粉旒宛馬嘶春駟歸路阻漣澗片航艱涓
涇匪惟睽故舊從此失倫伶窮途迷所詣累日臥
初醒一賦山陽笛歎歎魂魄聽

遣晉之保州候陳使君歸感懷一首

潁川下賓客春酒多好會昔我遊中原平生一編
帶西登崆峒巔北覽句注塞官廩叨分攜部花恣
晤對揮襟忽三秋楚水拂孤旆自覺違夙心君寧
燭微昧向貽數行書迢遞萬里外日久無報章中
省自懲艾依人荷涓滴量力安麤糲不使蔬食充
能忘衮衣介况聞垂橐歸時復授餐在夜飲質輕
裘朝來按雜珮片苧采長江毫末資泰岱庶以吾
儼寒高歌動吟呻嚴冬遣僕往忽與晨風邁逆旅
嗟伶鴛長途數告誡太行鬱嵯峨河水中澎湃傍
有流羽急適逢雪霜大五旬消息隔雙屐徘徊碎
節澳驚春星內窮斂暮靄夢回班馬嘶辛苦此行
最此義關骨肉誰違美蒲稗大夫並珍重岐路還
再拜解帙讀來札綢繆如宿愛

羊裘

羊裘雖敝數經春况復相貽自故人
謂陳使君北極多
寒同茹苦南方引邁不辭貧孤舟自可安垂釣五

月誰能辨負薪翠領臨風一迴首雁門霜雪淚沾巾

贈茂衍藩伯初度二首

十載溫泉阻問津南條江漢託垂綸非關縞紵憐
傾蓋竊幸風騷得比鄰白雪初承招隱曲彤弓忽
照濟川身征夫醉拂西門柳楚水秦山一氣春王頃

貽子
二詩

蘭臯萬里晴戟門未暇百應維嶽生

巾雨何遠能文似漢京珠漾座同時縮

綬壁連城在塞崇朝約授簡重吟早

樹鶯

高歌行 寄程穆倩

江城正月黃鳥鳴有客清晨呼柴荆相見乃吾故
人子朗如瓊樹玉山行別時五尺今八尺三載騰
驤遊公卿長跪起居動有禮藻華丹篆輝前楹我
亦再拜讀來札高江波濤同激發自云流寓老益
困中復採薪相摩憂鹽澤汗血反蹉跎魯門鷄鷓
誰識察忍餓恥為稻粱計哀鳴徒仰霄漢刷往者
邗溝嗟賃春豪家睨視薄其傭陋巷經旬覆土銜
僧寮伏枕餐新松解質未敢惜長劍冠羸無時違

短筇形隻影孤窮安詣獨君喬梓數過從君有長
歌二千字兩京板蕩須臾事殲露傷逝足慷慨青
蠅惡讒橫涕泗光芒逝飛遑停吟徵羽數變始滿
志太和協律迴奇絕長慶尚書何縱恣昔君早與
吳橋游漳海清江俊及流回首太阿倒奄豎蔓延
關雒啼鴉鷗九鼎卒移朋黨禍微霜深中杞人憂
禮失在野此最近詩亾於今將焉求晚年駘蕩竹
西久高臥何如鹿皮叟時湛彩筆拂雲烟遍按遺
文盡蚪蚪大鏞石鼓忽同几犀劍環刀常在肘櫛
書頡跡出爭持丞相中即藉不朽琳瑯徑寸輕千
緡約取猶難庇汝身貴戚當前况辭謝貧交接踵
如飲醇未攜一絲坐相索傾帙堆案皆所珍豈但
室中生交謫鄰翁竊笑童僕嗔薄俗逐聲寶康瓠
黃鐘遺棄人罕顧山陽遂以工鍛聞正字終須碎
琴去滄洲躊躇獨往願白髮磬折諸侯路北眺故
園隴樹深東來春水江花暮却送之子江之隅輕
舟漾日歸東吳內省殊慙報瓊玖相思且欲凌碧
蕪夙知用拙見天性何必雕蟲非壯夫片帆若訪
曹秀水爲道蒼生望重蘇

無酒

受補堂詩卷二
五
苦節思陶侃忘憂必杜康坐憐春草發頻觸暮雲
涼野色噓新露江聲撼夕陽浩歌惟飲水心跡近
滄浪

答巒伯見貽酒蟹二器

客久何時醉春深到處花玉盤行幕府珍醢落烟
霞臘蟻渾融雪鮮螯驟脫沙羈栖安所遇痛飲卽
爲家

高枕

近日耽高枕頻年補敝裘壯心筋力換殊俗嘯歌
畱曉雨苔爭發春風柳漸柔懷歸情偃蹇獨上庾

公樓

清明二首

滿目江花麗牽心隴樹長三年違拜掃萬里濕衣
裳祓禊通秦俗蘭茗擷楚芳漢川曾往溯搔首問
歸航

傍水暄涼易浹晨風雨勞盤飧從凜冽匣劍拂蕭
騷切切鳴鸚晚飛飛乳燕高楚宮遙入望當日薦
櫻桃

答汪彥倫兼懷令兄開美

新安司馬先朝彥綵筆光苾時所羨蛟龍已臥黃

金鈎海岳長畱白羽扇公孫避地來岐下紫閣皇
陂隨顧眄親向周原剪蓬蒿數椽僅足庇霜霰薄
田種秫不種稷賓旅如歸蒙深眷况復任俠晚逾
豪時傾心肝人共見難兄託契如手足季子長才
困貧賤涼秋忽走數行書別致新詩明月片山榛
隰苓有遺跡河酌行葦情最善去國載逢歸鴈飛
懷人遙對流鶯囀丈夫意氣重相許何必接塵初
覲面耦耕君不負前期春酒北堂待高宴

鮭魚

乍睹玉泉違渾憐雪鱸微盤鱗猶偃蹇席饌已光

輝莢盡潭龍惜

山僅一月

津明驛騎飛無繇躍雙澗客

淚洒前磯

茉莉

閭草纖纖出缸魚衮衮明晨葩何姣好秀色滿欄
楹采覺芳輝受簪來暑氣清香醪並娛客細傍蕊
珠傾

無酒

江醪時苦貴賴汝豁春愁忽復雙扇冷難爲數盞
畱疎星虛照座遠戍覺添籌使邸暮嘗闔攜壺何
處求

受補堂詩卷六
答子禎詠齋前茉莉

萬里白華客，翛然姑射姿。
偶來蘭杜野，高詠茉莉枝。
託類親江澤，舉英續楚辭。
素心縈玉樹，偏與彩毫期。

喜張澄一自金陵來楚述舊感懷因寄陳使君

長江帶吳楚，逆浪褰風席。
春水桃花深，浹旬雷雨迫。
林泉無所問，訪舊慰行役。
對子壯心俱，窮途懷抱釋。
昔別甫弱冠，排雲摩高翮。
蹀躞諸侯門，爭窺汗血赤。
回首驪歌寒，幾年隴樹隔。
青鬢猶髣髴，紫髯忽如戟。
家聲庶能存，俠氣堪動魄。
殊方判夙好，萬感生今夕。
當時潁川公，獨懋分陝績。
抗志敦詩書，傾家結賓客。
少梁初授簡，枚叔冠朋舄。
還攜少子臯，並發梁園策。
不肖忝末契，同遊皆詞伯。
况沐芝蘭薰，兼畱函丈益。
秣馬句注塞，縱觀樓煩磧。
中孚可斷金，永世逾磐石。
奈何愆始願，相顧拊遺迹。
頓爲饑凍驅，遙使盍簪坼。
論交具本末，託體如圭璧。
悠悠道路間，詎有人倫責。
古來稱賢豪，行邁不妄適。
豈惟悔吝絕，終覺周行闕。
自我滯南征，炎荒成羸瘠。
內省夙期垂，沈吟天地窄。
夏霖旣時作，村

酒難數碧洞庭付蒼茫黃鶴虛咫尺把臂有餘恨
歸帆胡太劇曉發更踟躕良時應共惜

送澄一用子禎韻兼呈陳使君

離筵獨擁大江流浪急雲深無限愁往日蓬蒿違
倒屣他鄉風雨罷登樓孤帆順指吳門練匹馬遙
驅易水秋下榻自憐徐孺子何時重與大夫遊

再送澄一三絕句

送客江城草閣寒疎燈細雨接雕欄莫辭杯酒留
中夜明日烟波正淼漫

七載相逢何處家江亭酒盡卽天涯故鄉回首三

千里庭樹同開四月花

高屐初登黃鶴樓片帆遙共水東流吳雲楚樹俱
無賴一曲驪歌盡白頭

樽前又疊三絕句兼呈陳使君

蕭條可奈故人何酌酒中宵一放歌欲採江蘼充
雜佩褰裳無路出藤蘿

江漢同流下武昌曉雲蒸雨度歸航定知雙楫人
千里回望孤城水一方

五月停舟白鷺前輕裝辛苦北遊燕使君高臥多
清興池樹依稀別酒邊

得寧人先生書感賦却寄

春水迢遙雙鯉魚好音珍重數行書幽芳出谷原
多事勁竹同根迴自如北海翔鴻懷遠道南風採
葛戀吾廬兼知綿上傳經約莫遣關門步履疎

王藩伯茂衍座中喜晤表兄同生之輒聞西

歸遙寄此作兼呈藩伯

孤舟繫江漢偃蹇無所適造幽多遺懷權室久削
迹太原忝鄉郡中表聯末戚高閣許頻來苦吟饒
務隙昨復徒步往忽焉自公迨逡巡能倒屣亦不
廢良覲春風黃鳥鳴雨歇遠山碧香醪隨照眼骨
肉況不隔吾兄別累歲舊好乖行役中更人事繁
轉恨雪霜積渭川闕舟梁仁里違咫尺喪亂負夙
心幽明餘深責猶思總角年外氏門庭赫並長慈
母手嬉遊大夫宅豪華倏如夢巨族疊罹厄六親
委草莽三輔纏金革飄泊奄至今疾驅少安魄馳
馬極幽并挂帆窮楚澤豈意鵠樓宴還同周道客
相訝顏色改各傷頭毛白離愁不易展坐歎仍當
夕靜砌花片落疎簷燭光射北斗已闌干辰星橫
屋脊惆悵竟分袂放歌無煖席俯仰再經旬拘牽
真自惜草蟲嗟邁止唐棣增愁寂人生快目前結

東復何益潛魚詎戀壑老雁甘垂翮幽觴遞夏令
沃野榮新麥猝睹歸裝成蕭然旅舍圻臨岐阻會
面去路連厓壁暑景汗不竭蒸霖聲相繹他鄉依
故舊大義共推激涼秋須命駕契濶慰藩伯

寄王石屏海嶼兼呈令弟茂衍藩伯二首

秦郊漢峙白雲中繡嶺溫泉紫氣通草徑常思邀
五馬江天却喜挂雙蓬寒帷暑進長湖日把酒香
來大澤風邂逅論交聲藉甚心期况與季方同
明珠大玉並繽紛領郡爲邦互有聞棣萼三春開
楚樹榴花五月照滇雲谿山遠集征苗粟邸第渾
歸橫海軍不必銅標光舊史棠臣所向有殊勲

送劉五還里

炎方苦溽暑楚境尤卑濕四月已揮汗歎歌輟故
習薰風無時來落日蚊蚋集幕府朝嚴局累旬寡
出入劉子忽邂逅素心兼鄉邑誰知跬步間不復
音塵及君家先孝廉

謂其世父兩化先生士龍

赤熾久孤立曠

懷匹秦漢班馬光熠熠大名騰寰區豪俊伏呼吸
畱客一杯酒醉開萬卷笈暫睹怒鱗舒還傷高翮
戢惜哉泉石枯終古蛟龍螫別駕更朴茂

謂尊翁彰德判

宦遊悲維繫脫組齒尚健榛苓瞻原隰裒然飲射

賓雅望笙簧輯公卿推師表列坐畧等級所嗟清
白吏徒洒子孫泣至今厝淺土襄事愁供給任昉
有義故叔敖多交執莫卹葛衣寒飄蓬江路溼貴
人奪新歡夙好猶戴笠安能解驟去爲爾下車揖
况我困羈旅茹辛營勺粒良朋間覲止挂一恒遺
十初驚會面難轉訝辭行急臨觴迫鬱蒸握手情
快悒吾志在刪述舊聞潛綴拾四哲傳未遠

張太宰楊

忠介孫恭
介李中丞

清門欲同葺漢水通褒斜歸航日沿襲

此後過蓬蒿幽期堪屢挹

送巒伯之燕

行歌已冷薊門春醉覽長江有釣綸豈但使君能
訪落何妨公子更畱賓臨觴澹澹南樓景擁別輝
輝北闕塵輦上故交雙羽翰誰從天末問遺人

答子禎喜予端陽日生子爵

蒸霖南天滋江漢互激瀉飛來端午日忽照積隱
野遊子楚山陽賃春高廡下葦門裁容人經歲始
覆瓦榴火照弧矢草堂陳爵斝雖無氣充閭頗喜
生正夏詰朝佳句至雲物一瀟灑寒簾紫輝深徑
寸珠可把哲匠稱善裘貽謀必良冶自顧殊駑鈍
如何產快馬君同周漢鄉夙冠俊廚社孤舟沿客

受補堂詩卷六
十三
蹤萬里未相捨推愛懷抱間耀然我心寫東西古
道接肯使幽期寡他年將車兒亦是下食者通家
供鞭策庶不墜風雅

浴後

楚俗疲蒸暑宜人乃浴湯起行三徑碧披瀉百花
香好月深垂照微風忽受涼興來重振領人事保
初芳

茉莉

敞牖延香氣編籬妥翠陰盆花開正皎苑竹對逾
深不染風塵色時居玳瑁林玉壺清納露因見美
人心

鄂渚送六舅雪田先生歸里

徒步來江漢炎天返故鄉最愁歸路雨猶著到時
裳過飯安麤糲搔頭慰雪霜微軀送舅氏斟酌報
高堂

東棚成呈子禎

竹老屹爲柱墻東新作棚庶無炎景逼遙使暮雲
清枕簟畱高臥蹲屨愜細傾幾番要彼美兼欲種
香蘅

東棚新成便就憩息兼答子禎二首

受禱堂詩卷一
永日炎方草榭成疎籬曲檻竹風輕灑然乘興開
書籍當晝披襟對友生時剪蓬蒿延遠翠忽宜雷
雨送新聲徘徊况睹江天豁坐嘯深憐月色清
南國猶聞王粲樓北山遙入短棚幽隔城雲物來
江漢高枕乾坤合夏秋地少四松添秀發門無五
柳遡風流故人佳句吹清籟瀟洒冰霜入座浮

送左函表弟自楚還里卽赴計偕

匹馬重關望不違炎風暑雨忽辭歸早從秋色憐
春色將自西畿度北畿紫陌看花人正少明光起
草世多輝尊參潘起
自中翰漫愁離別他鄉苦遙睹雲霄

健翮飛

萬年藤杖引有序

表弟田二具儉自越中歸奉天台萬年藤
一枝爲吾母夫人壽踴躍成篇

天台山高涵萬狀俯視日月行巖嶂瀨氣鬱爲萬
年藤蒸雲噴雨相摩盪天清地寧萌芽起太昊首
以木德王鳳劬九子龍下蟠神禹當之亦惆悵石
窟時接滄海潮虬皮倒垂赤城標溜融醴泉騰數
壑珠走甘露沃餘條逶迤結根跨紫蓋傲岸飛影
排青霄北葉渾忘莫莢古東枝忽帶扶桑遙崑崙

桃實三千表想見此藤初半出試呼蒙吏問汝秋
疑與上椿生同日中漚烟霞繡奇蔓飽餐冰雪培
勁質蒼茭秀韻老彌章子颺孫蘿爭自暱天產神
物人所依歷年至今始有歸却借骨肉爲羽翼飛
來關河共光輝好音徐介蕤賓管恭值太君設悅
闡青鳥口銜南極杖滿堂佳客皆稱稀舉之瀟洒
不費力方竹瘦叩無顏色行藏二儀判昏曉跬步
五岳通消息慈母強健步如飛未須汝扶扶晚得
膝下小兒未解事斑斕大笑東皇側

望江

清江天際急雪浪抱城流乍轉白蘋棹橫飛黃鶴
樓蒸騰千壑雨出入萬航秋更擬窮巫峽尋源勺
水頭

詠初月

炯望輪開廓纖知魄退氛猶同高漢朗不與衆星
羣遠挂秦天黛斜移楚岫雲關山歸雁急響落大
江聞

再詠初月

片影懸湘國鈎簾啓畫圖桂方萌葉始蟾且一隅
孤類觸明謙受元精識晦蘇葆光各努力弦望無

時無

詠新月二詩一興一賦再成此篇兼用此體
乍豎玉弧起孤舉仙珮何飛螢同宕漾宿鳥暫蹉
跎朏朏還隨分盈虛亦有科廣寒此深隱何處畫
雙蛾

王藩伯茂行招飲喜晤在外舅趙天一前輩

二首

藩伯筵開野屨重少微光燭丈人峰才看玉樹縈
階秀正對金波照席濃蘿薜迴分疎檻竹管絃徐
入麗譙鐘直從河朔寒高飲今夕風流邁所宗

西苑花陰白露催杖藜隨步出莓苔橫琴無曲翻
多感抱甕忘饑已見才秋判天隅人未去月明江
上雁初來良宵欵坐同鄉宿斗酒何辭數舉杯

月

江月融長練江城瀉素秋影涵南紀靜光抱北山

浮蛇山在
解內

杵兔看騰落林鳥接溯游青楓含別怨

莫照楚王樓

中秋夜同子禎子經茶酒對月盤豆蕭然感

賦二詩

每望秋分月陰晴不定期風雲相盪久竹樹肯辭

遲里彥猶同坐江醪已再持南樓佳興合千載憶
元規

漸喜層陰徹渾看積水賒倚蟾俱浩蕩添桂有光
華擘芡中宵迴吹笙何處斜荆襄誰訪逸一泛鹿
門楂

月

對酒當明月登臺俯大江疎星瞻个个宿雁起雙
雙地照蘭苕野風明屈宋邦凌輝探往蹟未覺寸
心降

十六夜月

白露高團影清江乍落潮野林開一色秋水注層
霄物景流觀細乾坤發興遙自從龍竹隱霓羽竟
誰調

十七夜月

尚見輪如鏡何曾夜減輝蛟宮深洞達鵲境數依
違峻潔三秋斂虛明萬象歸悠然懷曠古豈獨視
纖微

再登黃鶴樓

黃鶴樓高天半牕下臨萬里之長江中流畫舫紛
無數對斤丹梯亦自雙靜夜蛟龍吟漢水清秋鴻

受元堂詩卷三
七
鳴站荆邦每來搔首懷前哲披瀉烟濤鬱未降

月夜同子禎送表弟田二西歸

秋月吞江漢高臺縱所思惜同羈旅客悲復別離
時葛屨寒初逮關山露正滋一樽盈不竭揮手悵
連枝

月夜過子禎山齋

老向南天濶秋來楚月清草蟲飛遠浦山鬼窺深
更並抱江湖白新添橘柚明伊人多靜夜賦罷一
含情

夜雨有懷兼呈子禎

八月江雲白連宵山雨清覺寒移枕簟防溜啓柴
荆故國違魚札長天走雁聲陽臺人善賦宋玉本
多情

再送表弟子經還里

風前蕭颯芰荷衣獨以微軀送客歸白露再霑南
橘見滄江遙對北鴻飛晨昏遠道承歡隔伏臘高
堂洗腆稀夙忝舅姑兼世講紫荆繫馬莫教違

詠楚署雙鶴十二首

並翥滄江鶴新霑白露來刷毛明玉樹將影見金
杯海嶽風霜起仙人羽騎迴矯然時拂翼終是出

羣材

脫畧自爲侶烟霞誰與儔笙遙緱氏室笛近武昌樓傍席情俱勁昂宵骨未柔不須必高舉消息在

瀛洲

莫逮前星馭翻遊大澤蘭光隨雙翰迴唳入九臯寒上客憐殊態幽人托古歡儻親楓辰立頭上寸

毛丹

最爽三秋色長存萬里心霜溪寒自照草閣澹相尋逸氣渾如故垂翎忽至今江蘿疎送眼爲爾一

沈吟

採藥懷遺客空山少四鄰紫芝虛著雨丹竈數經春寡和鸞聲細遲歸蝶夢新寧知逐凡鳥不敢忘叢筠

粉障行無迹滄洲豁所期老眸藏世宙高步足威儀客意相酬簡天邊獨立遲君能安秉節賤子亦何爲

延佇思江海悲鳴耻稻梁羣遊雖解伴對舞已成行竹露忘機久松風引興長青田違振迹幾落洞庭霜

過榭縈秋水看雲倚暮山精神仍物外羽翮到人

間不與羣鷗狎那隨孤鳳還
低徊居幕府慘淡結容顏

避俗塵囂裏潛輝鑒矚餘碧
溟開浩蕩明月恣蕭疎渣滓
癯應盡孤騫偶自如寄聲謝
時彥皮相莫躊躇

羽族延狂狷仙羣悵薜蘿
蟬蛸觀物小霄漢閱年多
南極驟猶接西池駕若何
七旬阿母酒須汝輩門過

受性宜冰雪含章老翠微
鷗鵬寧獨徙雁鶩不同歸
肯縱摩霄去深憐束翅違
但應支遁解惆悵對

斜暉

昔年依陝伯

謂陳使君祺公

雙節上崆峒不見廣成子時

來玄鶴風秦雲塞秀發楚渚
慰飄蓬早晚衡霍去

長吟飛月中

中秋必有白鶴萬羣來禮南嶽

大江二首

大江提楚都南紀擅雄圖
夏口初要漢秋光盡攝湖
烟波包陸海天地割荆吳
尚冷中流楫浮雲萬里孤

雙城遙樹斥七澤附朝宗
頊洞炎荒入週迴日月從
滄颺吹大鳥彩浪簸神龍
緬想三百禩皇恩

受祺堂詩卷之十七
牲璧重

漢二首

漢水羣峰秀秋帆九月高
旁資飛輓潤悉領懋遷
勞控帶兼秦楚波湍起賦騷
瞻陰思灌甕努力注
餘濤

派並明河著源懷故國遊
潛沱分巨澥海瀆擅安
流大別雲初去滄浪天與浮
至今驚絕俗猶自表
神州

受祺堂詩卷之十七

中南山人荆東李因篤子德著

舟行三首

憑舟朝欲發客思梗莓苔
忽望孤蓬起翻疑兩斤
迴厓花遙已過野鷺復同來
泛泛知安適惟應問
酒杯

波濤寒亦落九月溯清輝
北雁避霜重西風吹木
稀畫圖開水榭明鏡入烟扉
尚足寬行色前洲有
釣磯

征衣秋著絮水次晚加餐
漢沔猶深穩潛沱稍汎

受禱堂詩卷十七
一
瀾戍雲霜外宿漁火月中看擬傍角聲住飄飄何處灘

九日二首

萬里荆南菊雙檣漢水舟村籬疎帶雨渚雁急鳴
秋局促違高步登臨冷舊遊偶推蓬戶落惟見白
雲流

傍斤忽須酒沿江空有臺帆停丹葉下棹發紫萸
開四序寒將及三年客未迴醉中搔短鬢無使暗
霜催

岳家口宿

九日舟中過村醪暮獨傾微霜滋臥槩返照託懸
旌白鷺衝波落黃花蹴斤明沔南重紀夜漂泊愧
平生

澤口阻風曳舟遲久始出漢水晚泊趙家臺
坼浪將辭漢迴橈別詣河風摧危席緊雨溜急湍
多錦纜資羣力荒臺得放歌旅魂驚未定明發悵
如何

赴月渡瓦子湖

南郡臨秋水東湖湧暮天蒼茫孤月外震撼側風
前託命催飛櫓迷波逐去船自尋沙渚宿漁叟莫

驚眠

抵荊州

倚郭瞻清旭停舟借白蘋
郡荒重適館秋老尚依
人稍後龍山醉虛疑虎渡津
近傳過使節天地有
風塵

荆解對菊黃白二種二首

自是陶籬色相看楚塞隅
風塵終不染邸舍亦同
須客有白雲思天開黃綺圖
更移矚書帙餘論展
潛夫

徑晚堪高立盆疎忽並肩
逸畱丹藻外芳共雪霜
延採纈容吾老行藏惜地偏
秋暉朝淡泊照汝滯
歸船

將發荊州仍畱一日

久客因人滯將歸不自如
已驚牽纜急無使卸裝
疎就榻陳杯竽呼童汛掃除
西軒猶卜夜振奮憶
其初

泊仙桃鎮

水泊分孤艇人烟約萬家
楓畱深澗葉菊送遠籬
花野案新登竿商帆半樵茶
虛疑仙侶近欲問武陵霞

受補堂詩卷十七
三
頃徐中丞以雙鶴餉高使君欽如招飲席上

賦詩美之卽送入覲二首

松嵐乍脫紫虬枝
柏府移來白雪姿
部鳥懷音俱遠嚮
屏雲樹羽亦同時
天邊八座驟猶待
月下雙霓舞不辭
更倚高樓承綵躡

臬署在黃鶴樓側

仙人風笛

慰相思

瑤池逸翮不須招
渤海清光迴自調
欲借丹青生袞繡
旁垂文彩照賓僚
花階分啄霜威近
粉閣同鳴霽色遙
咫尺使君瞻鳳闕
從容騎汝上青霄

再詠雙鶴二絕句卽呈高使君

雲路仙蹤下楚邦
大夫馴汝在長江
葛洪笛罷顏初皓
清獻琴中影忽雙

時去時來任爾真
一飛一啄自相鄰
不教風唳驚幽谷
長有笙歌喚碧筠

同子禎賦雙鶴詩了却贈二絕句

爾榻霜毫琪樹林
威遲白鳳告其心
瞻衡入華無消息
廓落天涯滯向禽

澗壑能甘遺世榮
階除不作向人鳴
空羣况對嵇中散
欲附青雲萬里行

鄭澹菴明府自部卽擢湖廣學使馳書見懷

喜賦二首

星輶日望彩雲飛，徙倚荆關客未歸。尚託甘棠存
 夙蔭，還同苦竹競春暉。江東下榻風流遠，冀北傳
 書歲月違。何意皇華催使節，好音先下釣魚磯。
 含香舊錫侍臣封，省憶京華數過從。縱飲自懷燕
 市月，高歌同對楚門松。樓連鶴背堪招飲，庶接牛
 衣許賃春。典論才高多靜晝，猶聞退食敘黃鐘。

楚邱答約生表兄

長林秋色少安歌，陌雪初飛復渡河。不但苦心沿
 汝漢，應同搔首憶滹沱。徘徊客路攀芳草，似續婚
 姻附女蘿。莫遣相思佳訊隔，歸鴻西望故園多。

寄張文學力臣

貽來尺素轉躊躇，前二年君至敝邑值日望江關
予游楚畱一函而去
 阻報書隴右連兵，愁不解淮南多水近。何如遙憐
 歲晚蒹葭隔，僻處天高驛路疎。一代儒宗同所向，

謂亭林先生時所著書多屬君較刻 叩須金石正皇初。
君精於六書之學

贈朱高士友玉

東風吹雨下林臯，急溜衝垣瀉石濤。里杖恰逢修
 禊至，春犁聊緩入田操。臨簷藉草開緇帙，倚樹看
 花遞濁醪。欲藉歸途詢太史，能無新句賦櫻桃。

投贈鄂制軍五十韻

將相臨西極安危倚大賢我公分陝後他日救荆
 還坐鎮攀雙節來蘇動八埏廟堂推轂屢罇俎折
 衝全玉管吹新律鋒車指舊躔紫迎關上氣青綻
 嶽門蓮部士歡持軫眈耆出並肩德音仍沛發春
 色自依然樹合啼鶯曉花明列騎妍祗聞霑雨露
 未覺送戈鋌境內壺漿集邦人畚鍤捐公有令憂省夫役
 時從減賦布惠比流泉近恣通侯壘兼馴屬國弦
 市衢方麇聚田畷得安眠更有戎衣暇親為野客
 前下交弘吐哺中夜欵登筵燭瀉香醪細杯傾乳

酪鮮太和盈衮鉞高義薄山川遂及幽棲子傍垂

陋族公示致子兄瑤華光忽賁葑菲鬱相宣往

者初開府疇咨乃制邊聿求幽雅日重睹漢京天

椽史渾無事農桑大有年薦馨圭鬯飭觀獵駟戎

連百務皆稽古諸生半受塵公起社塾四郊聚徒各數百人風雲

殊濟濟訪落且拳拳憶振周原席因招潁水舷公聘

徵君講學特疏薦之抗章呼黼屨潛室逮旌旃不奪躬耕志

終移夙駕權考槃惟守轍嘉遯敢忘筌暨此論心

迴繇來託契偏循途甘退伏接蹟奮同遷巖穴曾

銜照狂愚亦荷憐縱談存弁鄙良會與周旋旭景

簪裾盍晴郊羽旆駢臺門時洞啓俊彥久聯翩每

溯辰猷達多從藻鑑先盤弧雄武庫茂宰盛詞篇

張總戎夢椒張永壽焜郭富平傳芳一時之選皆出公門宿好羣芳並茲晨末

誼堅始登堂已肅頻至榻猶懸靜蓄黃鐘地徐調

太簇絃在子弘量在座鳴琴春容隨入寫愷悌畧俱傳輟飲

恒聞角遄征競着鞭乾坤喧井稅道路雜烽煙願

握中台紐能邀使相緣急須寬物役聊復慰勞員

叅佐材宜衆干城任必專輓輸平緩急文法破拘

牽世美旂常載膚功琬琰鐫史臣應致頌天保欲

重編

表弟朱長源過草堂集杜句贈之

恭惟同自出時過北山頭禮樂攻吾短人才覺弟

優縱談憐野逸高義豁窮愁海內兵猶滿桃源無

處求

郭明府九芝擢敝邑喜賦長律六十韻兼申

夙好

萬古榛苓邑三春蕙杜鄉蒼生憂井稅紫誥急才

良况築周原壘初飛渭曲航物情爭見屬公望獨

攸當愷悌宜民最賢勞受祿昌借恂前未已歌范

遠能忘野靄違鳧舄城花少雁行薦紳思眷眷黎

首色茫茫大旱隨瞻雨佳陰雅憩棠疾呼簪易盍
羣走涕相望競集中丞解還邀使相章後蘇喧接
境報可慶連疆曉露沾垂紱晴雲染繡裳移官豐
鎬外出宰漆沮陽地劇裁依美天高忽降祥課耕
資霖霖循堞起軒昂正苦干戈沸遙牽銍秭忙軍
書時胷羽使檄動充囊肆應邦爲活惟寬賦不傷
櫬槍潛避舍貫索盡銷鋌每訝臨幾敏何曾退食
遑材優終致逸政簡自趨疆暇日農儲戰雄談士
裹糧偏多迎劍履究未輟笙簧飲射綏醇德科條
攬大綱榜衢猶省過增土必週防隴麥含花好溪
蘋拂水香拊絃知漸洽馴雉得廻翔客榻偕升秀
朋車亦契狂對人饒白眼憐我及滄浪絕塞聞聲
濶通都上謁莊歎吟同臭味披豁到肝腸向割寒
曹米頻傾間步漿曠懷秋共碧豪飲夜渠央草木
噓皆至川巖氣欲張論文兼縞紵越俗偶姬姜憶
遠清罇月空侵短褐霜玉鞭蒙別路烟艇落殊方
屋上壘篋展年來側陋揚關門觀禮樂緘詠下湖
湘北道燒烽峻西歸雨雪涼魂驚重握手邸迫屢
聯牀亂世需帡幄卑棲假棟梁嶽靈真夙駕郊暑
遂嚴裝竟獲神明祐綦新翰墨光摩霄徐奮翮製

受元堂詩卷下
錦立盈筐詰旦更輿誦危途庀歲康夙歡孚遠邇
嘉會悉行藏卓爾恒州傑倏然漢署卽冠纓延胃
系保障攝鄰坊盛事因思古遐揆或逮傍崇勲睽
賈屈綵筆陋龔黃在昔會遺憾於君足並長訂謨
恢歷史壽考踐層岡訪舊期吟橘援柯已辯篁嘗
虛山麓翠莫負石林蒼夢裏鳴騶引朝行掃徑荒
端須題粉壁尚擬肅蒲觴午景烹葵屆薰風角黍
將永言從野老郊籥效躋堂

贈永壽張明府西屏

客從江漢歸逃亂到林藪無食迫歲宴朔風吹露

肘入郡寒鳥鳴嫖姚素心友遂麾子弟出施榻高
齋久恭承雙舄飛豈弟萬民母真意傾巖穴定交

於杵曰同畱平原家屢縱深夜酒燈照脊令色

公與

嫖姚君通族

劍聞蛟龍吼醉來聯牀眠肝膈相與剖却

論天下事旋幹幾人手憶昨拜使相安危付樞紐
跡其分陝勲新故不相負但收全秦力持重荆楚
後緩急資建瓴膚功亦何有出師何倉卒秋雨罨
西走勞勞鐫訓詞絕不計芻糗明府獨忼慨侃然
陳臺右自任騰飽策非由度支取仗義布前行空
炊瞻巧婦輸糧竟山積挾纊孚衆口踰月師中旋

大仁塞外受搔鬢落雪霜振衣淹泥垢再讀從軍

詩公時著從經畧行詩清雄建安偶憂國具至性壯謨足不

朽向日罹兵革三星春在留租庸無時息水旱互

為咎太白晝垂鉞經天西至西迷離旄頭間夜夜

熒惑守此雖委微渺人事可占否荷戈盡枵腹驅

率窮捶毆數驚流羽急惆悵川巖陡鷓鴣鳴棧閣

烽火耀鷄首公才濟艱難究必踐台斗相時得攸

宜吾道固不苟况兼起豫章光岳鍾最厚天姿湛

圭璧哲矩逮耆叟是邦富節槩震動緣高后卓立

冠前史中原皆培塿世遙追俊民清望接橫綬竹

帛初發軔鐘鏞且待扣談罷更呼杯興酣一擊缶

僕子並熟臥朝光舉虛牖平生耽幽討所志在畝

畝豈無攜手願庶獲躬耕耦丈夫恥獨完懷寶溝

陽九忍遺拯物功遽問彭澤柳下堂班驪駒先我

旋北阜有約過柴門方期蕭箕帚貧家藏舊醅勸

馬剪春韭聊附贈言末敬為君子壽

為奉先明府弟奉壽太夫人三首

載酒行歌滿路新登堂競識太夫人茹來茶葉加

鐘鼎調得熊丸託藻蘋閣教應頒申國杖帷花自

紀漆園春偶從西極看南極鶴影鳧輝動四鄰

青鳥飛飛設悅筵綵衣蘭桂足翩躚引觴徐泛瑤
溪水簪髻長須玉井蓮陶母英雄新屬目敬姜書
史舊推賢金閨有客叨同籍竊比封人介大年
瀛海冠纓一望賒母儀仙李自名家江湖親繡元
戎節岳輔來看大令花南陸陽迴開霽景北堂風
暖酌流霞亥音親得增慈算何用重尋斗漢槎

呈祝贊府思益

時攝華州

聞君迢遞沔陽回已後師中獻壽杯着舄褰帷俱
著績鳴駝轉餉正須才和風忽度循堤柳快雪還
明抱閣梅悉索多時窮敝賦行春願望好音來

郝太公行樂圖贊

猗歟俊人帶舄優游清虛日來高明罕儔龐眉貝
齒髦鬢是浮晬面盎背名德允修雙梧以表其潔
片石以徵其幽據牀安坐傳經貽謀性含純懿才
協剛柔有萬石君之至行兼安樂老之風流著忠
勲於初興之冊府瞻孝謹於繼起之公侯攜白雲
而戀戀儼清風之颼颼將七十兮賜几杖指八千
以爲春秋是其嗣美於東山而齊名於太丘者耶
歲晚呈邑大夫匡廬

夙興駕言邁霜野何皓皓四顧無所之川原跡如

掃我侯託素心柔翰盟古道每過必投轄清罇相
傾倒忘其編戶微訝對退食早元氣生座隅縱談
展懷抱蕭然冰署寒獨臥一榻小虛牖竟夕開布
衾明月皎追隨有宅相茹淡嘗不飽欵客步武肅
徐看顏色好誰云飛鳥地度越衆賢表惟藉圖史
陳耐茲僕隸少青陽歲忽逼白雪驚天曉分米佐
菽水烹鮮光蘋藻男兒困薄俗落拓身將老卽任
瓶罍竭能辭井稅擾累君兼瑣細生理振枯槁終
愧安邑令倚違心緒渺和舒大堤枝碧吐雙澗草
伏願戴春暉乾坤永相保

送張敬一澄一歸雍韓仍期燈後見過

狂吟苦憶少梁才

謂羅南

細席初通小阮杯到涉晴

沙爭候雁歸迎雪樹早看梅布衣憂國山中久方
技逃名市上來準擬春觴懸待月柴門重爲二難
開

馮方伯秋水先生挽詩

代

寒雲黯中都素旄飛朔甸野濶絮雞陳天高匡衛
散方伯少也孤岬興何其健里閭皆不違門閤及
相見贈公琬琰材初奮雲霄撰金馬馳宏辭玉樓
名弱冠偉哉太夫人閣教能盡善從死忍須臾撫

遺垂令憲嗚呼陟岵時乃在登堂畔餐熊勵苦心
剪鬢畱羣彥白華孝子躬黃鳥先臣傳早知夢賚
歸旋以賢良薦列郡雄北州分藩自西漢越樹錦
為屏吳江澄似練行省率諸侯度支瘁昏旦遂聞
漕輓登徐睹海波晏一朝乞骸骨臣母違霜霰

至尊事

太皇推恩從所願高吟盈石牀別構臨

幽澗耽飲披烟霞憐才到狂狷龍臥老難移鳳毛
雙在盼或含粉署香或縱清秋翰寢門有芳型環
繞同孺戀白雪一堂聞陽春三世擅松喬非可期
竹帛信如幻忽使梁木摧罹茲暴風變峴首悲方
新甘棠歌正曼伊余溯通家世講兼婚宦鏡具不
遑隨生芻雜哀怨何時大招篇酌酒滹沱斥

寄張別駕公弼

昔我遊雲中北陸無控弦攬奇登大嶽懷古色茫

然嘉禾

大同觀
察曹公

與上谷

雁門觀
察陳公

夙契分旬宣下榻

恒累月周行接羣賢先公

尊大人時為
西路同知

兩漢俊繡

節西行邊敷政如龔黃德音沛流泉使君舞象勺
粲若晨葩鮮裘馬非所性好修潔香荃憶同傳趙
輩披草相往還飲馬桑乾水彎弓白登天有時過
太守鐙酒承深筵競睹玉樹秀宜生階庭妍絳帷

指南國存沒悲逝川巨浪吹江淮蛟龍鬱中纏豈
知二十稔人事忽屢遷絕徼一舉燧乾坤塞風烟
岐關據上游請郡於弋鋌臥閣裁數月飛輪未息
肩每聞戎事隙幽興亦翩翩玉珮必滿座金樽何
喧闐奈何害馬徒城火殃深淵鶻突挂吏議飄囊
歌歸田青門得傾蓋使院同醉眠慷慨溯世講塞
雲垂我前君才匹圭璧通籍當壯年小試大鳥翼
寧爲榆枋牽鄙夫抱微尚中歲乖故躔所志惟諗
母征途懶着鞭安危知有託出處各隨緣努力三
輔道重看畫旌褰

答張澄一使至見貽詩畫

春水雙龍去秋天一雁飛新詩凌翰墨素壁展光
輝石髓行堪采松陰坐不違與君共幽興還許過
柴扉

又

幾迴戎馬滯長安頻步東堂邁宿歡野客自傾懷
抱盡春風相對酒杯寬郊餘烽壘花仍發部入棠
陰露正團更散輕雲開霽景南山直接翠微看

羅石泉明府貽一絕句答二絕句

仙令遲飛漢水鳧一春風雨臥蓬壺偶憑黃鳥貽

受禱堂詩卷十七
十四
新句同典寒裘問酒壚

擊筑徵歌滿故都高眠無奈兩狂夫花朝受簡惟
拚醉綵筆河陽自作圖

贈馬旭東馬固原人予舊從陳使君客此述
往有懷因及亾友張羅南先生二首

十載聞聲隴樹深相逢多難一披襟故園冰雪春
初解遲日風花鳥自吟徐庶本無軒冕計魯連終
表布衣心亦知韋杜饒佳跡桃李江村次第尋
佩劍光寒寒上游因君展轉憶原州狂歌屢就白
蓮社縱飲時登明月樓忽漫羽書傳警急頻來簪
組接風流強拚華髮從公等招隱能忘澗壑幽

奉酬翁大夫述懷見貽之作時翁自隴州擢
西安郡丞卽送之關門任

數對春莫發翻憐旅席溫羈懷無一展亂日可重
論鼓角黔池沸風塵冀野昏徵師縻歲月轉粟半
乾坤漢索宜爭險秦疆久據尊安危中使繼緩急
上游存拯困須良牧衡材慰故園州圖高隴水郡
節領關門軫接雙熊畫驟加五馬軒嘉謨傾上列
正色表維藩時攝道事柳絮垂橋迴桐花介路繁陪遊
容野屨擁別萃星轅向把江湖楫會聯海岳樽羽

書驚滿眼烽火憶招魂絕境同愁况生還各涕痕
迎霜披筍葛採菽佐盤飧郢曲翩然起棠歌夙昔
敦嚴城方借箸上將復畱屯物望歸安石才名類
士元蓮峰過遺老

謂王五山史

莫使後車喧

送鄭使君司直備兵神木二首

春城雨後百花飛袞袞西畿似北畿去國詞臣甘

寂寞

鄭舊庶常

臨邊使節動光輝黃河青海新酣戰紫

塞丹州久劇圍朔土遲瞻風日好須令鴻雁盡來

歸

灞亭頻送別離杯此席聞歌首重回道遠莫酬將

母志時危尤急濟川才紛披柳色侵筵出宛轉鶯
聲入座來匝地兵戈惜分手征駒日暮忍頻催

喜郡別駕郝公擢西延司馬仍畱青門行衙

五首

泥書東望彩雲濃酌酒勞臣慰客蹤尚憶孤舟凌
玉壘曾陪五馬到黃龍使車親列秦山戍仙仗還
高漢苑鐘直是雄才堪鎖鑰橫門遙借北門封

當年起草漢明光綵筆同遊鵷鷺行豈謂風塵重
請郡却隨簪舄再登堂浮雲萬古長安道細雨三
春野客觴况對秋杯消永日階除已送藥闌香

郝起

家詞
林

隴雲川樹萬峰看，述往能忘行路難。
雨雪關山愁裏渡，春風楊柳夢中寒。
生還自洒孤臣淚，拜賜初加上佐冠。
多少崇班新列戟，幾回車馬外臺端。
山溪雪盡始聞濤，太守南來建節旄。
竟使兒童喧道路，爭傳騶從過蓬蒿。
寒融竹樹春暉遠，醉拊琴書夜色高。
訪落知公關至性，夷門不數信陵豪。
春來處處羽書飛，擬築山亭入翠微。
自是使君貧好客，翻令遊子憺忘歸。
燈深花嶼杯醪滿，日靜苔陰椽吏稀。
肥帖相憐俱白髮，臨風互拂老萊衣。

送周制府還高平五首

憶拜瑤華澗壑中，新褰牙帳接臺廳。
罇開北斗關疆遠，座對西京劍履同。
太傅圍棋終却敵，司徒羽扇自臨戎。
吐餐輟沐公家事，賓客迴翔萬古風。
戎馬重逢故國春，近陪公讌惜芳晨。
古來形勝函京地，天下安危使相身。
萬里折衝樽俎合，三年行幕鼓鼙鄰。
亟酬輿望須分陝，爲感時艱欲借恂。
仗鉞同聞軍府賢，懸師足領採薇篇。
向提東海兼南海，遙駐秦川控蜀川。
好月深垂江苑柳，晴雲正繞嶽門蓮。
鹿皮短褐甘疎放，媿逐羣才玉珮筵。

聞道鳴騶復度關一時僚佐盡愁顏爭瞻漢節黃
河外忽轉春旂紫閣間王儉作公頭正黑祭遵憂
國鬢成斑西征已報中台近請緩星輅十日還
四月山中蘆蕨肥雙溪不遠釣魚磯憐才泛引柯
亭竹耽酒頻呼使院扉司馬醉吟鴻雁賦野人春
做芰荷衣兵深稅急遊難久曉發躊躇嶽路違

送張將軍鹿洲請假暫還兼申夙懷用志引

領代

十年公讌對羣材東閣春風徧草萊代馬遙嘶歸
路雨關雲競擁別筵杯車旁楊柳堪時折幕裏芙

蓉許再開一賦驪歌增倚竚津亭嶽樹共徘徊

贈侍御朱公崇祀 聖宮兼賦學博黎先生

終事之美代

直指周漢秀傳經起朔方當其登臯比四座集琳
瑯干羽每在御素琴時高張數椽雖家塾儼若對
宮牆先朝丁未造籲俊亦多良黼黻隨三物策名
舉舊鄉公實天下才種花自齊疆清風范史雲百
世相激昂移賢中得請治劇綬仍黃扶傾支大厦
豈獨一棟梁欂櫨字入畿輔播氛何披猖所向無堅
城頽波逝忽揚拂衣臥西山彼黍潛自傷終以邊

亂畧再觀鵷鷺翔埋輪震都亭繡斧明秋霜
植紫塞王路生輝光碩抱鬱未展掛冠真清狂
遂初返故廬名德老彌彰當時負笈者劍佩復成行
原裕二十稔祔廟同馨香厥惟轉象人高義發遺
芳俯仰節在三辛勤扶天常孝廉擢省郡司鐸來
池陽春絃敷化雨豸袖可頡頏俎豆應鉅典謳吟
喧新章古道所磨勵河山爲蒼蒼廷對旣引領盛
時瞻劬勩推此事君父致身追羲皇小子沐膏露
舞雩親同堂作頌激薄俗淵源莫相忘

題世節卷爲楊文學念修楊大母沈母閣皆

早寡鞠子以老猶子婦席氏又烈死卷首
序出先河濱兄故有末段

竄身兵戎日彼此南雅冊弘農冠士論族望久烜
赫一高婆女躔三世少微圻翻因遘閔凶大義垂
金石堂上百歲母杖藜見賓客素髮照龐眉顏儀
何光澤追隨有同心問齒非多隔及笄爲婦姑垂
老如羽翮况對孫枝秀早通金閨籍勁節絲至性
雙旌連窳窳濯濯華山鳥青青墳間柏月出春草
寒天凝暮雲碧我讀伯氏文沾襟懷抱關寄言在
後人珍重名山迹

黃龍山行

贈郝司馬兼公

三川之下彭衙東，萃律有山名黃龍。伏節往聞外，司馬塞帷會此控。巖封秋深積翠浮，絕巘日出高暉走。諸峰玉露金飈互激射，翛然遠望如芙蓉。憶昨關內羽書逼，岐陽阻兵蘆子塞。流矢一枝飛上郡，此山中梗無消息。夜半雲燒烽火明，西來霧擁鐵騎黑。疾驅憑誰扼，兩塞僉曰太守多風力。太守早直承明廬，朝遊虎觀暮石渠。彤庭侍讌歌天保，綵筆干霄賦子虛。駮駟忽乖紫陌冷，蛾眉多妬春光餘。雙旌迢遞長安道，五馬迢迢別駕車。漢水貔貅三十萬，銅梁劍閣久酣戰。呼庚呼癸愴客懷，石棧天梯遮人面。使君再轉餉蜀粟，豺虎縱橫霜雪偏。新息終辭隗囂營，仲連竟下聊城箭。苦節殊勲獨爾爲，高牙大纛屬阿誰。舊年冰堅白水凍，要我同上龍山陞。斗大之城不容足，蛟龍何據雷電隨。公歸青門多歲月，尚有涸魚待波吹。

畱別黎大叅天錫

春野逍遙南伯車，夏臺猶上北門書。自憐征馬關河外，相勸離觴日影餘。白首干戈傷遠別，蒼生雨露待新除。幾思相訪仍酣飲，嵇阮繇來世事疎。

送郭山函卽婚雁門予亦有燕代之役二首

東征愁倚大河航觸暑聞君亦治裝綵服出關頻
陟岵黃驪催穀早還鄉江花渭樹同遊隔鹿苑龍
城別路長弱冠有才工作賦漫勞正月擬繁霜時

月隕
霜

驪歌一曲夜平分畫燭重燒酒正醺故國桑麻殷
待雨中原兵革恣論文藍橋北向來烏鵲紫塞西
看是白雲預恐太行縈柳絮鳴鏹不逮惜離羣

